



Broj: 02-04-29567-2/25
Sarajevo, 29.05.2025. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo”, broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na 77. sjednici održanoj **29.05.2025.** godine, donijela je

ZAKLJUČAK

1. Utvrđuje se Prijedlog zakona o izmjenama i dopunama Zakona o sudskim taksama.
2. Prijedlog Zakona iz tačke 1. ovog zaključka dostavlja se Skupštini Kantona Sarajevo na nadležno odlučivanje.
3. Ovaj zaključak stupa na snagu danom donošenja.



Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo finansija Kantona Sarajevo,
6. Evidencija,
7. Arhiva.

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
VLADA**

**ZAKON
O IZMJENAMA I DOPUNAMA ZAKONA O SUDSKIM TAKSAMA
(Prijedlog)**

Nosilac izrade: Ministarstvo finansija

Sarajevo, mart 2025.godine

Na osnovu člana 18. tačka b) Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj dana _____, donijela je

(Prijedlog)

Z A K O N

O IZMJENAMA I DOPUNAMA ZAKONA O SUDSKIM TAKSAMA

Član 1.

(Izmjena člana 7.)

U Zakonu o sudskim taksama („Službene novine Kantona Sarajevo“, broj 36/14-Prečišćeni tekst i 23/16) član 7. mijenja se i glasi:

„Član 7.

(Način plaćanja takse)

- (1) Takse propisane Tarifom sudskih taksi su prihod Budžeta Kantona Sarajevo.
- (2) Taksa se uplaćuje na depozitni račun Kantona Sarajevo, uplatnicom (gotovinski nalog) ili putem bezgotovinskog plaćanja u skladu sa propisima kojima se regulišu platne transakcije, način uplate javnih prihoda i propisima kojima se reguliše elektronsko plaćanje.
- (3) Takse se mogu plaćati i u sudskim taksenim markama ako iznos takse nije veći od 50 KM.
- (4) Propis o emitovanju i distribuciji sudskih taksenih maraka donosi Vlada Kantona Sarajevo.
- (5) Ministarstvo finansija Kantona Sarajevo će posebnim pravilnikom propisati postupak štampanja i prodaje sudskih taksenih maraka.“.

Član 2.

(Izmjene člana 9.)

- (1) U članu 9. u stavu (1) tačka b) mijenja se i glasi:
„ b) Federacija Bosne i Hercegovine i njeni organi ;“.
- (2) Tačka f) mijenja se i glasi:
„ f) ustanove za socijalnu zaštitu i ustanove za socijalnu sigurnost;“.
- (3) Tačka i) mijenja se i glasi:
„ i) lica u postupku ostvarivanja prava iz radnog odnosa;“.
- (4) Tačka m) mijenja se i glasi:
„ m) privredna društva koja zapošljavaju lica s invaliditetom i zaštitne radionice prilikom svih upisa u sudski registar ;“.

Član 3.

(Dopuna člana 10.)

U članu 10. iza stava (6) dodaje se novi stav (7) koji glasi:
„(7) Za upis osnivanja privrednog društva u sudski registar, ne plaća se taksa.“.

Član 4.
(Izmjena člana 19.)

Član 19. mijenja se i glasi:

„Član 19.
(Obračun i kontrola plaćanja takse)

- (1) Obračun i kontrolu plaćanja takse koju je takseni obveznik dužan da plati vrši sud, odnosno službeno lice koje poduzima radnje u postupku.
- (2) Ako taksa nije plaćena sud poziva taksenog obveznika da u roku od osam dana od dana dostavljanja poziva plati dugujuću taksu.
- (3) U pozivu iz stava (2) ovog člana sud je dužan navesti iznos obračunate neplaćene takse, podatke o računu i vrsti prihoda na koju se taksa ima uplatiti i naznaku da će se taksenom obvezniku ukoliko taksu ne plati u roku od osam dana od dostavljanja poziva pored dugujuće takse obračunati i kaznena taksa u visini 50% od iznosa dugujuće takse.
- (4) Ukoliko takseni obveznik po pozivu suda u roku iz stava (3) ovog člana ne plati taksu, sud će donijeti rješenje kojim se takseni obveznik obavezuje da u roku od osam dana od dana prijema rješenja plati dugujuću taksu i kaznenu taksu.
- (5) Protiv rješenja iz stava (4) ovog člana je dopuštena žalba u roku od osam dana od dana prijema rješenja.
- (6) Izjavljena žalba ne odlaže izvršenje rješenja iz stava (4) ovog člana.“.

Član 5.
(Novi član 19a.)

Iza člana 19. dodaje se novi član 19a. koji glasi:

„Član 19a.
(Kaznena taksa)

Ako takseni obveznik ne plati taksu u roku određenom rješenjem iz člana 19. stav (4) ovog zakona, u prinudnom postupku naplate takse naplatiće se dugujuća taksa i kaznena taksa u visini 50% od ukupnog iznosa dugujuće takse.“.

Član 6.
(Izmjena člana 30.)

Član 30. mijenja se i glasi:

„Član 30.
(Prinudna naplata neplaćene takse)

- (1) Ako takseni obveznik ne plati taksu u roku iz člana 19. stav (4) ovog zakona sud će u roku 30 dana rješenje o plaćanju takse dostaviti Pravobranilaštvu Kantona Sarajevo uz obavijest da taksa nije plaćena.
- (2) Sud je dužan Pravobranilaštvu Kantona Sarajevo dostaviti sve podatke sa kojima raspolaže o taksenom obvezniku: adresa, brojevi bankovnog računa, informacije o zaposlenju, eventualnim primanjima, kao i sve druge podatke koji mogu biti od koristi u postupku prinudne naplate neplaćene takse.
- (3) Pravobranilaštvo Kantona Sarajevo pokreće postupak prinudne naplate neplaćene takse pred nadležnim sudom u roku 90 dana od dana prijema rješenja i obavijesti o neplaćenju taksi.

(4) Postupak prinudne naplate neplaćene takse provodi se u skladu sa federalnim zakonom koji reguliše izvršni postupak.“.

Član 7.

(Izmjena člana 31.)

Član 31. mijenja se i glasi:

„Član 31.

(Registar obračunatih taksi)

(1) Registar obračunatih taksi u Kantonu Sarajevo (u daljem tekstu: Registar) u elektronskom obliku uspostavlja i vodi sud.

(2) Obveznik unosa podataka u Registar je sud.

(3) Pristup Registru ima Pravobranilaštvo Kantona Sarajevo.

(4) Uredbu kojom se uređuje sadržaj Registra, način unosa podataka, njihovog korištenja, kao i druga pitanja od značaja za rad i ostvarenje svrhe Registra donijeće Vlada Kantona Sarajevo, u roku od tri mjeseca od dana stupanja na snagu ovog zakona.”.

Član 8.

(Izmjena Tarifnog broja 12.)

U Tarifi sudskih taksi DIO DRUGI.VANPARNIČNI POSTUPAK, u Tarifnom broju 12.(Taksa za ovjeru potpisa, rukopisa, prijepisa i prevoda) stav (5) mijenja se i glasi:

„(5) Za ovjeru potpisa na punomoći i ugovoru plaća se taksa u iznosu od 10 KM po primjerku do dva primjerka, a za svaki slijedeći primjerak plaća se taksa u iznosu od 5 KM.“.

Član 9.

(Izmjena Tarifnog broja 13.)

U Tarifi sudskih taksi DIO TREĆI. ZEMLJIŠNO KNJIŽNI POSTUPAK, Tarifni broj 13.(Taksa za podneske) mijenja se i glasi:

„Tarifni broj 13.

(Taksa za podneske)

(1) Za podnesak kojim se traži uknjižba prava (vlasništva /etažnog vlasništva, korištenja, doživotnog uživanja, založnog prava-hipoteke, zemljišnog duga, stvarnih i ličnih služnosti, prava najma i zakupa, preče kupovine) predbilježbe prava (vlasništva, založnog prava- hipoteke) i zabilježbe na nekretninama plaća se taksa u iznosu od 15 KM.

(2) Za podnesak kojim se traži brisanje prava (vlasništva/etažnog vlasništva, korištenja, doživotnog uživanja, založnog prava-hipoteke, zemljišnog duga, stvarnih i ličnih služnosti, prava najma i zakupa, preče kupovine) predbilježbe prava (vlasništva, založnog prava-hipoteke) i zabilježbi na nekretninama, plaća se taksa u iznosu od 15 KM po zemljišnoknjižnom izvratku.

(3) Za podnesak kojim se traži dioba vlasništva na nekretninama, plaća se taksa u iznosu od 50 KM.

(4) Za podnesak kojim se traži uspostava novog zemljišnoknjižnog uložka, u postupku uspostave i zamjene zemljišne knjige, plaća se taksa u iznosu od 50 KM.“.

Član 10.

(Izmjena Tarifnog broja 14.)

Tarifni broj 14. (Taksa za upise podataka) mijenja se i glasi:

„Tarifni broj 14.

(Taksa za upise podataka)

(1) Sudsku taksu plaća lice u čiju korist se vrši uknjižba, osim ako ugovorne strane ne utvrde drugačije.

(2) Za uknjižbu u zemljišne knjige plaća se taksa:

- a) uknjižba vlasništva 50 KM,
- b) uknjižba hipoteke, zemljišnog duga ili doživotnog prava uživanja, trajnog prava korištenja, stvarnih služnosti i tereta, pravo dugoročnog najma i zakupa, pravo preče kupovine i realnih tereta 50 KM,
- c) uknjižba predbilježbe naplaćuje se paušalno 25 KM,
- d) uknjižba zabilježbe naplaćuje se paušalno 15 KM,
- e) upis koji se vrši u toku parničnog, vanparničnog ili izvršnog postupka 50 KM,
- f) uspostava posebnog zemljišnoknjižnog uložka po osnovu elaborata o etažiranju 10 KM.“.

Član 11.

(Izmjena Tarifnog broja 15.)

U Tarifnom broju 15. (Takse za prijepise i izvatke) u stavu (1) u tački a) riječi: „5 KM“ zamjenjuju se riječima: „10 KM“.

Član 12.

(Izmjena Tarifnog broja 19.)

U DIJELU PETOM. PREKRŠAJNI POSTUPAK, Tarifni broj 19.(Takse u prekršajnom postupku) u stavu (1) riječi: „10 KM“ zamjenjuju se riječima: „20 KM“.

Član 13.

(Izmjena Tarifnog broja 20.)

U DIJELU ŠESTOM. UPIS U SUDSKI REGISTAR, Tarifni broj 20. (Taksa za podneske) u stavu (1) riječi: „5 KM“ zamjenjuju se riječima: „10 KM“.

Član 14.

(Izmjena Tarifnog broja 21.)

Tarifni broj 21.(Taksa za upise u sudski registar) mijenja se i glasi:

„Tarifni broj 21.

(Taksa za upise u sudski registar)

- (1) Za rješenje o upisu osnivanja dijelova privrednog društva, plaća se taksa u iznosu od 35 KM.
- (2) Za rješenja o upisu osnivanja drugih pravnih lica, osim privrednog društva, plaća se taksa u iznosu od 35 KM.
- (3) Za rješenje o upisu lica ovlašćenog za zastupanje pravnog lica plaća se taksa u iznosu od 35 KM.
- (4) Za rješenje o upisima koji nisu obuhvaćeni u st. (1), (2) i (3) ovog tarifnog broja plaća se taksa u iznosu od 35 KM po jednom upisu.
- (5) Za zahtjev za brisanje upisa iz sudskog registra plaća se taksa u iznosu od 10 KM.
- (6) Za rješenje po zahtjevu za brisanje upisa, plaća se taksa u iznosu od 10 KM.
- (7) Kada se više poslovnih subjekata spajaju, dijele ili pripajaju, pored takse za podneske plaća se i taksa iz stava (4) ovog tarifnog broja.
- (8) Ako se jednim podneskom traži više upisa, plaća se taksa za svaki upis posebno.
- (9) Za žalbu na rješenje donijeto u postupku upisa u sudski registar plaća se taksa u iznosu od 35 KM.“.

Član 15.

(Izmjena Tarifnog broja 22.)

U Tarifnom broju 22. (Taksa za objavljivanje upisnih podataka) stav (1) mijenja se i glasi:

„(1) Za dostavljanje upisnih podataka radi objavljivanja u „Službenim novinama Federacije BiH“ plaća se taksa u iznosu od 10 KM.“.

Član 16.

(Dopuna Tarifnog broja 25.)

- (1) U DIJELU OSMOM. POSEBNI SLUČAJEVI, u Tarifnom broju 25. (Taksa za sudska uvjerenja i potvrde) dodaje se novi stav (3) koji glasi:

„(3) Za izdato uvjerenje na usmeni zahtjev plaća se taksa u iznosu od 15 KM,“.

- (2) Dosadašnji st. (3), (4) i (5) postaju st.(4), (5) i (6).

Član 17.

(Izmjena Tarifnog broja 29.)

Tarifni broj 29. (Taksa za izvode iz sudskog registra pravnih lica) mijenja se i glasi:

„Tarifni broj 29.

(Taksa za izvode iz sudskog registra poslovnih subjekata)

- (1) Za izvode iz sudskog registra poslovnih subjekata, ako se izdaju na zahtjev stranke, plaća se taksa u iznosu od 10 KM po stranici .
- (2) Kada je izvod sastavila sama stranka i podnijela ga sudu na potvrdu plaća se polovina takse iz ovog tarifnog broja.“.

Član 18.

(Novi Tarifni broj 35.)

Iza Tarifnog broja 34. dodaje se novi Tarifni broj 35. koji glasi:

„Tarifni broj 35.

(Taksa za izdavanje Jedinstvenog pristupnog koda)

- (1) Za izdavanje Jedinstvenog pristupnog koda kojeg sud na zahtjev stranke dostavlja poštom ili putem sudskog dostavljača, plaća se taksa u iznosu od 5 KM.
- (2) Ako se na zahtjev stranke Jedinstveni pristupni kod predaje stranci neposredno u sudu, taksa se ne plaća.“.

Član 19.

(Prelazna odredba)

Za podneske, radnje i isprave po kojima je taksena obaveza nastala do dana stupanja na snagu ovog zakona, a taksa nije plaćena, taksa će se platiti u skladu sa zakonom i tarifom koja je važila do stupanja na snagu ovog zakona.

Član 20.

(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

Predsjedavajući
Skupštine Kantona Sarajevo
Elvedin Okerić

Broj
Dana:

OBRAZLOŽENJE

PRAVNI OSNOV

Pravni osnov za donošenje ovog zakona je član 18. tačka b) Ustava Kantona Sarajevo („Službene novine Kantona Sarajevo“, br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), kojim je propisano da Skupština Kantona donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnosti Vlade Kantona.

RAZLOZI ZA DONOŠENJE ZAKONA

Razlozi za donošenje zakona o izmjenama i dopinama Zakona o sudskim taksama je izmjena odredbi kojima se propisuje način plaćanja sudske takse, te da se plaćanje takse može vršiti gotovinski ili bezgotovinski, plaćanje takse elektronskim putem, a sve u skladu sa propisima kojim je regulisano plaćanje javnih prihoda i propisima kojima je regulisano elektronsko plaćanje.

Dalje izmjene se odnose na oslobađanje od plaćanja sudske takse u postupku upisa osnivanja privrednih društava u sudski registar, što je inicijativa Udruženja poslodavaca u Kantonu sarajevo i Ministarstva privrede Kantona Sarajevo.

Općinski sud u Sarajevu je Ministarstvu finansija podnio inicijativu za izmjene Zakona o sudskim taksama, u dijelu propisane Tarife sudske takse. Sud ukazuje na finansijske negativnosti propisane takse, te predlaže povećanje Tarife sudske takse u zemljoknjižnim postupcima koji se vode pred ovim sudom. Sud je uz inicijativu za povećanje takse dostavio i uporedne pokazatelje, koji se odnose na visinu sudskih taksi u preostalim devet kantona u F BiH, iz kojih je vidljivo da je iznos sudske takse koja se naplaćuje u zemljoknjižnim postupcima koji se vode u Općinskom sudu u Sarajevu daleko najniža u odnosu na druge kantone.

Općinski sud je predložio da se za neplaćanje sudske takse u zakonskom roku, propiše i kaznena taksa.

Radi bolje naplate taksi, ovim izmjenama i dopunama zakona je propisana uspostava i vođenje Registra obračunatih sudskih taksi u Kantonu Sarajevo.

Skupština Kantona Sarajevo je na 16. radnoj sjednici održanoj dana 28.10.2024. godine utvrdila Nacrt zakona o izmjenama i dopunama Zakona o sudskim taksama i donijela Zaključak da se provede javna rasprava u trajanju od 30 dana.

Nakon provedene javne rasprave Ministarstvo finansija je sačinilo Izvještaj o rezultatima javne rasprave na Nacrt zakona o izmjenama i dopunama Zakona o sudskim taksama.

Uvažavajući dostavljene primjedbe, prijedloge i sugestije na predloženi Nacrt zakona Ministarstvo finansija predlaže da se prihvate primjedbe i prijedlozi koji se odnose na izmjenu člana 14. Nacrta zakona Tarifni broj 21. te da se visina Tarife u Prijedlogu zakona u odnosu na Nacrt smanji na iznose koji su bili u izmjenama Zakona o sudskim taksama iz 2016.

PRAVNA RJEŠENJA

Član 1. Ovim članom se mijenja član 7. Zakona kojim se propisuje način uplate takse na depozitni račun Kantona i u odnosu na Nacrt zakona dodaje se stav (4) i (5) kojim se reguliše da propis o emitovanju i distribuciji sudskih taksenih maraka donosi Vlada, te da će Ministarstvo finansija posebnim pravilnikom propisati postupak štampanja i prodaje sudskih taksenih maraka.

Član 2. Ovim članom se u članu 9. u stavu (1) mijenja tačka b) na način da se oslobađanje od plaćanja takse odnosi na Federaciju BiH i njene organe, tačka f) ustanove za socijalnu zaštitu i ustanove za socijalnu sigurnost a u tački m) propisuje se oslobađanje od plaćanja takse privrednih društava koja zapošljavaju lica s invaliditetom i zaštitnih radionica prilikom svih upisa u sudski registar.

Član 3. Ovim članom se propisuje dopuna u članu 10. Zakona na način da se dodaje novi stav (7) koji propisuje da se za upis osnivanja privrednog društva u sudski registar ne plaća taksa.

Član 4. Ovim članom se mijenja član 19. Zakona na način da se opširnije propisuje obračun i kontrola plaćanja takse, pozivanje taksenog obveznika da u roku plati taksu te ukoliko taksu ne plati u propisanom roku da će pored duugujuće takse platiti i kaznenu taksu.

Član 5. Ovim članom se dodaje novi član 19a. kojim se propisuje kaznene taksaza taksene obveznike ako se u roku određenim rješenjem suda ne plate obračunatu taksu.

Član 6. Ovim članom se mijenja član 30. Zakona na način da se jasnije propisuje postupak prinudne naplateneplaćene takse.

Član 7. Ovim članom se mijenja član 31. Zakona koji propisuje uspostava i vođenje Registra obračunatih taksi.

Član 8. Ovim članom se propisuju izmjena u Tarifi sudskih taksi (Vanparnični postupak), u Tarifnom broju 12. stav (5) se mijenja na način da se plaćanje takse propisuje za ovjeru potpisa na punomoći i na ugovorima u iznosu od 10 KM po primjerku do dva primjerka, a za svaki sljedeći primjerak plaća se taksa u iznosu od 5 KM.

Član 9. Ovim članom se propisuje izmjena Tarifnog broja 13. na način da se preciznije definiše vrsta podnesaka u zemljoknjižnom postupku za koje se plaća taksa i visina takse.

Član 10. Ovim članom se propisuje izmjena Tarifnog broja 14. na način da se poveća iznos sudske takse za uknjižbu podataka u zemljišne knjige.

Član 11. Ovim članom se propisuje izmjena u Tarifnom broju 15. u stavu (1) na način da se taksa za prijepise i izvatke sa 5 KM povećana 10 KM.

Član 12. Ovim članom se propisuje izmjena u Tarifnom broju 19. (Taksa u prekršajnom postupku) u stavu (1) na način da se taksa na zahtjev o sudskom odlučivanju po prekršajnom nalogu sa 10 KMpoveća na 20 KM.

Član 13. Ovim članom se propisuje izmjena u Tarifnom broju 20. (Taksa za podneske) u stavu (1) na način da u Prijedlogu zakona taksa na zahtjev o sudskom odlučivanju po prekršajnom nalogu iznosi 10 KM

Član 14. Ovim članom se propisuje izmjena Tarifnog broja 21. (Taksa za upise u sudski registar), na način da se u Prijedlogu zakona u odnosu na Nacrt smanje iznosi takse za upise u sudski registar.

Član 15. Ovim članom se propisuje izmjena u Tarifnom broju 22. (Taksa za objavljivanje upisanih podataka) u stavu (1) na način da se za objavljivanje upisanih podataka u Službenim novinama Federacije BiH, plaća taksa u iznosu od 10 KM.

Član 16. Ovim članom se u Tarifnom broju 25. (Taksa za sudska uvjerenja i potvrde) dodaje novi stav (3) kojim se propisuje da se za izdavanje sudskih uvjerenja i potvrda na usmeni zahtjev, plaća taksa u iznosu od 15 KM.

Član 17. Ovim članom se mijenja Tarifni broj 29. (Taksa za izvode iz sudskog registra pravnih lica) u odnosu na Nacrt izmjenjen je naslov Tarifnog broja 29. (Takse za izvode iz sudskog registra poslovnih subjekata). Za izvode iz sudskog registra poslovnih subjekata, ako se izdaju na zahtjev stranke, plaća se taksa u iznosu od 10 KM po stranici, kada je izvod sastavila sama stranka i podnijela ga sudu na potvrdu plaća se polovina takse iz ovog tarifnog broja.

Član 18. Ovim članom se propisuje novi Tarifni broja 35.(Taksa za izdavanje Jedinostvenog pristupnog koda), za JPK kojeg sud dostavlja stranci poštom ili putem sudskog dostavljača plaća se taksa u iznosu od 5 KM.

Član 19. Ovim članom se propisuje plaćanje takse u prelaznom periodu.

Član 20. Ovim članom se propisuje stupanje na snagu ovog zakona.

**Bosna i Hercegovina
Federacija Bosne i Hercegovine
KANTON SARAJEVO
VLADA**

**IZVJEŠTAJ
O REZULTATIMA JAVNE RASPRAVE
NA NACRT ZAKONA O IZMJENAMA I DOPUNAMA
ZAKONA O SUDSKIM TAKSAMA**

Sarajevo, maj 2025. godine

Skupština Kantona Sarajevo na 16. Radnoj sjednici održanoj 28.10.2024. godine utvrdila Nacrt zakona o izmjenama i dopunama Zakona o sudskim taksama i odredila rok od 30 dana za javnu raspravu.

U toku javne rasprave dostavljene su primjedbe, prijedlozi, sugestije i mišljenja na Nacrt zakona o izmjenama i dopunama Zakona o sudskim taksama, koje je razmatrala Vlada Kantona Sarajevo na sjednici održanoj _____. godine i zauzela stavove kako slijedi:

DOSTAVLJENE PRIMJEDBE, PRIJEDLOZI, SUGESTIJE I MIŠLJENJA:

1. JU SLUŽBA ZA ZAPOSŁJAVANJE KANTONA SARAJEVO

„Javna ustanova „Služba za zapošljavanje Kantona Sarajevo" Sarajevo, dana 11.11.2024. godine, zaprimila je vaš akt (broj i datum veze), kojim dostavljate Nacrt Zakona o izmjenama i dopunama Zakona o sudskim taksama, radi dostavljanja eventualnih primjedbi, prijedloga, sugestija i mišljenja.

Nakon razmatranja navedenog nacrt, u ostavljenom roku, sa aspekta nadležnosti Javne ustanove "Služba za zapošljavanje Kantona Sarajevo" Sarajevo, dostavljamo prijedlog za izmjenu člana 9. stav (1) tačka f) kako slijedi:

„f) ustanove za socijalnu zaštitu i ustanove za socijalnu sigurnost;"

Naime, odredbom člana 1. stav 1. Uredbe sa zakonskom snagom o ustanovama („Službeni list Republike Bosne i Hercegovine", br. 6/92, 8/93 i 13/94) propisano je da:

„Ustanova, u smislu ove uredbe, osniva se za obavljanje djelatnosti obrazovanja, nauke, kulture, fizičke kulture, zdravstva, dječije zaštite, socijalne zaštite, socijalne sigurnosti i drugih djelatnosti utvrđenih zakonom, ako cilj obavljanja djelatnosti nije sticanje dobiti."

Odredbom člana 1. Odluke o osnivanju Javne ustanove „Služba za zapošljavanje Kantona Sarajevo" Sarajevo („Službene novine Kantona Sarajevo", br. 11/12, 29/12 i 5/13) propisano je da:

„Kanton Sarajevo osniva javnu ustanovu „Služba za zapošljavanje Kantona Sarajevo" Sarajevo, a u cilju obavljanja poslova posredovanja u zapošljavanju i obavljanja drugih poslova iz oblasti **socijalne sigurnosti nezaposlenih osoba**."

Imajući u vidu citirane odredbe navedenih propisa, te da naša ustanova pripada posebnoj kategoriji ustanova za socijalnu sigurnosti (ne za socijalnu zaštitu), predlažemo, kao naprijed navedeno, ili da se član 9. stav (1) dopuni, na način da se doda nova tačka za ustanove iz ove kategorije“.

Stav predlagača: Prijedlog se prihvata

2. ZASTUPNIK JASMIN ŠALJIĆ

„Podnosim inicijativu prema ministarstvu finansija KS i premijeru Nihadu Uku, taksa je propisan iznos koji se plaća kao ekvivalent za učinjenu uslugu.

Pokrećem inicijativu prema vladi i resornom ministarstvu da izuzmu iz povećanja cijena takse kao što su: takse za rješavanje statutarnih pitanja i takse za ZK izvodak, čija je cijena korektna i iznosi 5KM. Smatram kao zastupnik da je povećanje ovih taksi sa 5KM na 15KM bez pravnog osnova obzirom da izdavanje ovih taksi ne iziskuje nikakve troškove i uopšteno sve takse gdje službenik pritiskom na dugme računara izbaci pohranjene podatke, stavi svoj potpis i pečat, ne mora da vrši dodatne provjere, ne izlazi na lice mjesta,

odnosno nema nikakvih dodatnih troškova, smatram da je sasvim korektna i dovoljna cijena u iznosu od 5 KM po važeće Zakonu o taksama.

Stav predlagača: Prijedlog se djelimično prihvata, u odnosu na nacrt u Prijedlogu zakona visina takse u Tarifnom broju 20. (taksa za podneske) iznosi 10 KM i u Tarifnom broju 21. je smanjena visina takse.

3. PRAVOBRANILAŠTVO KANTONA SARAJEVO

„Služba za skupštinske poslove Kantona Sarajevo je dostavila Nacrt Zakona o izmjenama i dopunama Zakona o sudskim taksama.

Nakon razmatranja Nacrta Zakona o izmjenama i dopunama Zakona o sudskim taksama upućujemo primjedbu i predlažemo da se izvrše sljedeće izmjene :

U članu 6. Zakona o izmjenama i dopunama Zakona o sudskim taksama kojim se vrši izmjena člana 30. (Prinudna naplata neplaćene takse) stav (3), u kojem je utvrđen rok od 60 dana za pokretanje postupka prinudne naplate, mijenja se i glasi:

"(3) Pravobranilaštvo Kantona Sarajevo pokreće postupak prinudne naplate pred nadležnim sudom na osnovu dostavljenog rješenja suda i obavještenja o prinudnoj naplati."

O b r a z l o ž e n j e

1. Predloženi rok od 60 dana je neprimjeren i nerealn:

Ovo iz razloga što dostavljanjem rješenja suda i obavještenja o prinudnoj naplati nisu ispunjeni uslovi za pokretanje postupka prinudne naplate takse pred nadležnim sudom.

Smatramo da bi rok od 60 dana trebao biti u potpunosti brisano. Naime, rok od 60 dana je, s obzirom na prirodu postupka i potrebe Pravobranilaštva, prekratak za poduzimanje svih potrebnih radnji u cilju pokretanja postupka izvršenja. Pravobranilaštvo mora prikupiti detaljne podatke o obvezniku plaćanja takse, uključujući podatke kao što su:

- tačna adresa stanovanja,
- broj tekućeg računa,
- identifikacija pokretne imovine,
- eventualna poslovna ili imovinska prava koja bi mogla biti predmet izvršenja.

Takve informacije, koje se često prikupljaju iz različitih izvora (katastri, banke, druge institucije), zahtijevaju više vremena za prikupljanje i provjeru, što ovaj rok čini nerealnim za efikasno postupanje, a s obzirom na iskustva iz prakse primjećeno je da se takseni obveznici često ne nalaze na adresi iz rješenja, pa se ovaj organ obraća MUP-u KS radi dostavljanja podataka o tačnoj adresi. Međutim dešava se da MUP KS nije u mogućnosti da dostavi tačnu adresu zato što postoji više osoba sa istim imenom i prezimenom. Ovo je jedna od situacija koja se ne može ograničiti rokom, budući da identifikacija taksenog obveznika zahtjeva niz radnji i aktivnosti Pravobranilaštva.

2. Potencijalna opasnost od zatrpavanja suda nepotrebnim postupcima za izvršenje:

Postavljanje strogog roka može dovesti do preopterećenja sudova i povećanja broja nepotrebnih postupaka izvršenja, s obzirom na to da postoji mogućnost korištenja drugih pravnih sredstava, kao što je opomena i komunikacija sa obveznikom plaćanja takse (koja je uslovljena sa utvrđivanjem tačne adrese obveznika za što je često potrebno dodatno vrijeme), ovakav rok može dovesti do toga da se preuranjeno pokreću postupci izvršenja za takse koje bi

mogle biti plaćene nakon opomene, čime bi se nepotrebno povećao broj predmeta u sudovima i administrativno opterećenje.

3. Opći zastarni rok od 10 godina:

Napominjemo da rješenje suda o plaćanju sudske takse, doneseno u skladu sa odredbom člana 19. Zakona o sudskim taksama Kantona Sarajevo, predstavlja sudsku odluku koju ima u vidu odredba člana 379. stav 1. ZOO, pa potraživanje utvrđeno tom sudskom odlukom zastarijeva u roku od 10. godina. Ovakav stav je zauzeo Vrhovni sud Federacije BiH u predmetu broj 22 0 Rs 037984 22 odlučujući o spornom pravnom pitanju, a u vezi zastarjelosti rješenja suda o plaćanju sudske takse, shodno Zakonu o sudskim taksama Unsko-sariskog kantona, a koje odredbe u bitnom dijelu su identične sa Zakonom o sudskim taksama Kantona Sarajevo. Zbog navedenog smatramo da je propisivanje rokova za pokretanje prinudne naplate sudske takse protivno navedenom članu Zakona o obligacionim odnosima i zauzetom stavu Vrhovnog suda Federacije BiH.

Uzimajući u obzir navedeno, predlažemo izmjenu stava (3) u članu 30. Zakona, na gore opisani način.

Daljih komentara na Nacrt Zakona o izmjenama i dopunama Zakona o sudskim taksama nemamo“.

Stav predlagača: Prijedlog se djelimično prihvata, rok za pokretanje postupka prinudne naplate je 90 dana.

4. ADVOKATI SENIJA I DUNJA POROPAT

„Iniciramo izmjenu Zakona o sudskim taksama Kantona Sarajevo jer smatram da nije u skladu sa članom 13. Evropske konvencije o zaštiti ljudskih prava i osnovnih sloboda da se plaća taksa na pravne lijekove : žalbe, revizije, obnova postupka i sl. pogotovo da se ista obračunava u duplom iznosu od takse na tužbu jer sam svjedok mnogih slučajeva neosnovane tužbe i nezakonitih presuda gdje učesnik u postupku da bi to dokazao mora da izdvoji znatna sredstva, često veća i od svojih prihoda , a i tužitelj je isto tako u teškom položaju kad plati taksu za žalbu a odluku Kantonalni sud donese nakon pet i više godina, ili kad sud donese nezakonitu presudu za koju sudija nikad ne odgovara jer VSTV i Tužilaštvo tumači član 187 Zakona o VSTV da sudije ne odgovaraju za nezakonite odluke. Kao advokat svjedok sam mnogih nezakonitih odluka za koje niko ne odgovara te se strankama , učesnicima u postupku čini šteta. Zbog navedenog da bi bila bolja vladavina prava i pravilnije pravosuđe podnosim ovu inicijativu“

Stav predlagača: Prijedlog se ne prihvata

5. KANTONALNI SUD U SARAJEVU

„Shodno dostavljenom Zaključku Skupštine Kantona Sarajevo broj: 01-02-48897/24 od 28.10.2024. godine, kojim se utvrđuje Nacrt Zakona o izmjenama i dopunama Zakona o sudskim taksama, Kantonalni sud u Sarajevu pozvan je da učestvuje u javnoj raspravi i da dostavi primjedbe, sugestije i mišljenja na Nacrt.

Shodno navedenom, a u pogledu naplate JPK (jedinственог pristupnog kod za pristup sudskim predmetima putem interneta) koji je naveden u Nacrtu Zakona pod tarifnim brojem 35. obavještavamo Vas, da je došlo do Izmjene Pravilnika o CMS-u u dvanaestom mjesecu 2022. godine (Pravilnik o izmjenama i dopunama Pravilnika o CMS-u -Službeni glasnik BiH, br. 3/23) i to u dijelu koji se odnosi na naplatu takse na JPK.

Izmjenom je izjednačena naplata JPK koji se strankama izdaje na šalteru lično i koji se strankama dostavlja putem pošte, te u Pravilniku o CMS-u je propisano u odredbi člana 126 sledeće:

Član 126.

(1) Naknada za izdavanje JPK-a naplaćuje se u skladu sa Zakonom o taksama koji se primjenjuje u sudu koji izdaje JPK.

Obzirom na navedeno, skrećemo pažnju da se JPK koji se izdaje lično strankama na šalteru također može taksirati sa 5 KM.

U ostalom dijelu Zakona o Izmjenama i dopunama Zakona o sudskim taksama nemamo primjedbi i sugestija.

U prilogu dostavljamo tekst Pravilnik o CMS-u koji se odnosi na poglavlje XIII-Autorizirani pristup predmetima putem interneta“.

Stav predlagača: Prijedlog se ne prihvata.

6. MINISTARSTVO UNUTRAŠNJIH POSLOVA KS

„U vezi Vašeg akta, broj i datum veze, koji se odnosi na Nacrt Zakona o izmjenama i dopunama Zakona o sudskim taksama, Uprava policije Ministarstva unutrašnjih poslova Kantona Sarajevo u vezi predložene izmjene člana 12. (Izmjena Tarifnog broj 19.) daje sljedeće primjedbe, prijedloge i mišljenja:

Smatramo da je lice (okrivljeni/a) koji podnose zahtjev za sudsko odlučivanje po izdatom prekršajnom nalogu potrebno osloboditi plaćanja sudske takse radi odlučivanja u prekršajnom postupku. Mišljenja smo da je ova odredba o plaćanju takse za sudsko odlučivanje po izdatom prekršajnom nalogu u suprotnosti sa odredbom člana 6. Evropske konvencije o ljudskim pravim (Pravo na pravično suđenje). Odnosno pravo na pravično suđenje se uslovljava plaćanjem takse novčanog iznosa od 20 KM. Sa druge strane ukoliko isto lice bude prekršajno procesuirano putem podnošenja zahtjeva za pokretanje prekršanog postupka neće biti u obavezi plaćati sudsku taksu. Na obrascima prekršajnih naloga. Uprave policije MUP-a Kantona Sarajevo, koji je odobren od strane Federalnog ministarstva pravde, u pouci nisu naznačene obaveze okrivljenog u vezi plaćanja takse za sudsko odlučivanje, te je stoga predložena odredba u suprotnosti sa odredbama Zakona o prekršajima Federacije BiH. Također, obzirom na činjenicu da okrivljeni kojem je izdat prekršajni nalog u skladu sa odredbama Zakona o prekršajima ima mogućnost da plati 50% iznosa novčane kazne, koja za određene prekršaje iznosi 40 KM, čime se okrivljeni odvrća da zatraži sudsko odlučivanje jer će za taksu platiti isti iznos kao i za kaznu, a često se dešava da postoje elementi koji isključuju postojanje prekršaja ili prekršajne odgovornosti, pa ako se okrivljeni i odluči da zatraži sudsko odlučivanje u slučaju obustavljanja prekršajnog postupka, ta osoba se individualno smatra odgovornom jer je već platila novčani iznos, kako bi dokazala ne postojanje krivnje u prekršajnom postupku. U vezi sa navedenim predlažemo da se navedena taksa plaća nakon provedenog prekršajnog postupka samo u slučajevima da se utvrdi odgovornost okrivljenog koji podnosi zahtjev za sudsko odlučivanje“.

Stav predlagača: Prijedlog se ne prihvata jer se obavezom plaćanja sudske takse ne uslovljava pravo na pravično suđenje.

7. OPĆINA HADŽIĆI

„Uvidom u nacrt Zakona o izmjenama i dopunama Zakona o sudskim taksama Kantona Sarajevo, te analiziranjem navoda ostalih učesnika u javnoj raspravi, zaključujemo da navodi Udruženja poslodavaca Kantona Sarajevo najbolje oslikavaju probleme koji će nastupiti usvajanjem predloženih izmjena ovog Zakona.

Predložene izmjene Zakona predviđaju povećanja sudske takse za koje nema uporišta u pozitivnim propisima. Radi toga, Općina Hadžići se slaže i podržava stav Udruženja poslodavaca Kantona Sarajevo i mišljenja smo da su predložena povećanja taksi neopravdana, neproporcionalna razlozima navedenim u obrazloženju i da će predstavljati teret i za građane i za pravne subjekte u Kantonu Sarajevo“.

Stav predlagača: Prijedlog se prihvata

8. OPĆINA STARI GRAD SARAJEVO

„Povodom poziva upućenog (pored ostalih) Općinskom načelniku Općine Stari Grad Sarajevo, sadržanog u dopisu, broj: 15-02-48897/24 od 29.10.2024. godine, zajedno sa Zaključkom Skupštine Kantona Sarajevo, broj: 01-02-48897/24 od 28.10.2024. godine, a radi davanja primjedbi, prijedloga, sugestija i mišljenja na Nacrt Zakona o izmjenama i dopunama Zakona o sudskim taksama u javnoj raspravi, ovom prilikom želimo Vas obavijestiti da, nakon pažljivog i detaljnog upoznavanja sa predloženim Nacrtom Zakona o sudskim taksama, nosioca izrade Ministarstva finansija, Izvještajem o provedenim konsultacijama na prednacrt Zakona o izmjenama i dopunama Zakona o sudskim taksama, Mišljenjem Ministarstva pravde i uprave Kantona Sarajevo, broj: 03- 04/2-02-28397/24 od 15.05.2024. godinete, te Mišljenjem Ureda za zakonodavstvo Vlade Kantona Sarajevo, broj: 09-02-28412/24 od 17.05.2024. godine, dajemo djelimično pozitivno Mišljenje na predloženi Nacrt Zakona o izmjenama i dopunama Zakona o sudskim taksama a koje se, primjerice radi, ogleda u "oslobađanju od plaćanja sudske takse u postupku upisa (donošenja rješenja) osnivanja privrednih društava u sudski registar" (član 3. Nacrta zakona), a u skladu sa inicijativom Udruženja poslodavaca u Kantonu Sarajevo i Ministarstva privrede Kantona Sarajevo.

Dalje, podržavamo i član 2. Nacrta Zakona kojim se u članu 9. u stavu (1) mijenja tačka b) na način da se oslobađanje od plaćanja takse odnosi na Federaciju BiH i njene organe, a u tački m) propisuje oslobađanje od plaćanja takse privrednih društava koja zapošljavaju lica s invaliditetom i zaštitnih radionica prilikom svih upisa u s registar.

Članom 1. Nacrta Zakona o izmjenama i dopunama Zakona o sudskim taksama kojim je izmijenjen član 7. Zakona, a kojim je propisan način plaćanja takse na depozitni račun Kantona uplatnicom (gotovinski nalog) ili putem bezgotovinskog plaćanja u skladu sa propisima kojima se regulišu platne transakcije, način uplate javnih prihoda i propisima kojima se reguliše elektronsko plaćanje (a što predstavlja novinu), te putem sudskih taksenih maraka ako iznos takse nije veći od 50 KM, takođe podržavamo.

S druge strane, a što se tiče inicijative Općinskog suda u Sarajevu, na koju ćemo se, između ostalog, osvrnuti, a koja se odnosi na uvođenje kaznenih odredbi zbog ne plaćanja sudskih taksi, usljed čega Budžet Kantona Sarajevo, kako Sud tvrdi, trpi negativne posljedice, istu smatramo nepotrebnom, a imajući u vidu, kako i Ministarstvo pravde i uprave Kantona Sarajevo, uz pozivanje na pravno relevantne odredbe Zakona o sudskim taksama (član 19., 30. i član 32.) navodi, da je i trenutno propisani mehanizam koji omogućava sudovima da putem Pravobranilaštva Kantona Sarajevo pokrenu postupak prinudne naplate uz naplatu troškova izvršenja, dovoljan da obezbijedi naplatu taksi.

Ovdje želimo posebno istaknuti i činjenicu da je članom 3. stav (3) Zakona o zemljišnim knjigama Federacije BiH ("Službene novine F BiH", broj: 58/02, 19/03, 54/04 i 32/19 Odluka Ustavnog suda Federacije BiH i 61/22) propisano da je, između ostalog, dokaz o plaćanju sudske takse, pretpostavka za upis u zemljišne knjige, pa u slučaju ne plaćanja iste, zahtjev se odbacuje, a najveći broj zahtjeva korisnika usluga Općinskog suda temelji se upravo na navedenom Zakonu.

Inicijativu Općinskog suda u Sarajevu za korekcijom tarife sudske takse u zemljišnoknjižnim postupcima koji se vode pred ovim sudom, a kako bi se bar djelimično, a kao daleko najniža u odnosu na druge kantone, izjednačila sa visinom taksi u drugih devet kantona Federacije Bosne i Hercegovine, ne podržavamo i cijenimo je kao birokratsku, imajući, između ostalog, u vidu svakodnevni broj stranaka odnosno korisnika usluga ovog Suda koji je daleko veći nego u drugim kantonima pri čemu ovo obrazloženje Suda u startu otpada, i cijenimo ga ustvari kao očekivanje dodatne ne opravdane koristi davaocu usluge, s jedne strane, koju ne prati povećanje prosječne plate u Federaciji Bosne i Hercegovine, sa druge strane, i koje povećanje bi uglavnom značilo dodatni namet na ionako nizak životni standard "običnog" građanina.

U vezi sa naprijed navedenim, dijelimo stav sa Udruženjem poslodavaca Kantona Sarajevo koje ukazuje da se, pored neophodnosti uvođenja taksi i njihovog broja, prilikom određivanja visine taksi moraju/trebaju poštivati načela:

visina takse treba da bude proporcionalna ekonomskoj snazi države
visina takse treba da odgovara visini primljenih koristi pojedinca, odnosno korisnika - visina takse treba biti vezana za stvarne troškove koje organi imaju pri pružanju usluga, uslijed čega i mi smatramo da, umjesto povećanja taksi u Kantonu Sarajevo, treba iznalaziti načine za njihovim smanjivanjem, ako ne mogu biti ukinute, jer taksa nije porez, već iznos koji se plaća prilikom obavljanja nekog administrativnog posla a kao ekvivalent za dobivenu uslugu, kao što smatraju i neki zastupnici u Skupštini Kantona Sarajevo i koji su taj svoj stav javno i zauzeli.

U prilog našim predhodnim tvrdnjama ide i nepobitna činjenica da su Zakonom o izmjenama i dopuni Zakona o sudskim taksama ("Službene novine Kantona Sarajevo", broj: 23/16), pored oslobađanja od taksi novih kategorija korisnika sudskih usluga (notara kada u ostavinskom postupku postupaju kao povjerioci suda), veliki broj sudskih taksi (Izmjena u Tarifnom broju 13, taksa za podneske, Izmjena u Tarifnom broju 14, taksa za upise podataka, Izmjena u Tarifnom broju 15, taksa za prepiske i izvratke, Izmjena u Tarifnom broju 20, taksa za podneske kod upisa u sudski registar, Izmjene u Tarifnom broju 21, taksa za upis u sudski registar, Izmjena u Tarifnom broju 22, taksa za objavljivanje upisnih podataka), je drastično smanjen, a sada predloženim izmjenama Zakona se, bez argumentovano opravdanog razloga, ponovo predlaže njihovo povećanje, slijedom čega nosiocu izrade zakona predlažemo da još jednom detaljno razmotri predložena zakonska rješenja uz korekciju Tarife sudske takse, u pravcu ako ne smanjivanja, onda zadržavanjem u iznosima koji su trenutno na snazi“.

Stav predlagača: Prijedlog se djelimično prihvata u Prijedlogu zakona u odnosu na Nacrt visina takse u Tarifnom broju 20. i u Tarifnom broju 21., je smanjena.



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04/1-04-18407/25
Sarajevo, 06.05.2025. godine

MINISTARSTVO FINANSIJA
gosp. Afan Kalamujić, ministar

PREDMET: Prijedlog Zakona o izmjenama i dopunama Zakona o sudskim taksama, mišljenje –

VEZA: Vaš akt, broj: 08-01-11-10331/24 od 23.04.2025. godine

Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 4. stav 6. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17-Dруги нови преčišчени текст, 2/18-Ispravka i 32/22), Ministarstvo pravde i uprave razmotrilo je prijedlog ovog zakona i daje sljedeće

MIŠLJENJE

Prijedlog Zakona o izmjenama i dopunama Zakona o sudskim taksama je propis kojim se ne povrjeđuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

S poštovanjem,

Dostaviti:
1. Naslovu;
2. a/a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-083, Fax: + 387 (0) 33 562-241
Web: <http://mpu.ks.gov.ba>, E-mail: mpu@mpu.ks.gov.ba



Broj: 09-02-18682/25
Sarajevo, 07.05.2025. godine

KANTON SARAJEVO
MINISTARSTVO FINANSIJA

**PREDMET: Mišljenje na prijedlog Zakona o izmjenama i dopunama
Zakona o sudskim taksama.-**

Na osnovu člana 3. stav (1) tačka b) Uredbe o osnivanju Ureda za zakonodavstvo Vlade Kantona Sarajevo ("Službene novine Kantona Sarajevo", broj 20/23) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17-Dруги нови преčišćени текст, 2/18-Ispravka i 32/22), Ured za zakonodavstvo Vlade Kantona Sarajevo, daje slijedeće

MIŠLJENJE

1. Prihvatanje predloženih pravnih rješenja sadržanih u prijedlogu Zakona o izmjenama i dopunama Zakona o sudskim taksama (u daljem tekstu: Zakon) i procjena opravdanosti razloga za donošenje predmetnog Zakona, a koji su navedeni u obrazloženju predmetnog materijala, u nadležnosti je Vlade odnosno Skupštine Kantona Sarajevo.

Predložene izmjene i dopune Tarife sudskih taksi su isključivo finansijsko-stručne prirode, te za njihovu zakonitost odgovara nosilac pripreme predmetnog materijala.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Други нови преčišćени текст i 2/18-Ispravka i 32/22), te se isti može razmatrati na jednoj od narednih sjednica Vlade Kantona Sarajevo.

Dostaviti:

- ① Naslovu
2. Evidencija
3. Arhiva



ŠEF UREDA

"Službene novine Kantona Sarajevo"
Broj 1/96

Na osnovu članova V-1.4. i IX-3(4) Ustava Federacije Bosne i Hercegovine ("Službene novine Federacije BiH", broj 1/94), Skupština Kantona Sarajevo, na sjednici održanoj dana 11. marta 1996. godine, donosi

USTAV
KANTONA SARAJEVO

I - OPĆE ODREDBE

Sadržaj

Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 1.

Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 2.

Naziv i sjedište Kantona

Službeni naziv Kantona je: Kanton Sarajevo.
Sjedište Kantona je u Sarajevu.

Član 3.

Teritorij Kantona

Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Trnovo i Vogošća, kako je to utvrđeno Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje: Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavanje građana sa područja Kantona na neki od propisanih načina.

Član 4.

Službena obilježja Kantona

Kanton ima grb, zastavu, himnu/svečanu pjesmu i pečat, kao i druga obilježja o kojima odluči Skupština.

Službena obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika.

Član 5.

Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovníkom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili ka'njen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).

VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organa uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršiće Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14

22. augusta 2014. godine
SarajevoPo ovlaštenju
Pred Hrvatić, s. r.ZAKON
O SUDSKIM TAKSAMAMA
(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseri obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev

se sastavlja zapisnik, odnosno lice u čijem interesu se preduzimaju radnje.

- (3) Za odluku prvostepenog suda taksu je dužan da plati tužilac, odnosno predlagatelj, a za sudsku nagodbu taksu su dužne da plate obje strane, ukoliko u nagodbi nije drugačije ugovoreno.
- (4) Za odluku drugostepenog suda i za odluku po vanrednom pravnom sredstvu, taksu je dužan da plati podnosilac žalbe, odnosno lice u čijem interesu je pokrenut postupak po vanrednom pravnom sredstvu.
- (5) Kada su u skladu sa odredbama ovog zakona taksa dužna da plate dva ili više lica zajedno, njihova obaveza je solidarna.

Član 3.

(Obavezno dostavljanje dokaza o plaćenju taksi)

- (1) Uz podnesak za koji se po odredbama ovog zakona plaća taksa obavezno se dostavlja dokaz o plaćenju taksi.
- (2) Ukoliko stranka smatra da ispunjava zakonom propisane uslove da bude oslobođena plaćanja takse, mora uz podnesak podnijeti i zahtjev za oslobođanje od plaćanja takse, kao i dokaz o postojanju uslova za oslobođanje od plaćanja takse iz čl. 11. i 12. ovog zakona.

Član 4.

(Plaćanje takse i preduzimanje radnji u postupku)

- (1) U slučaju da stranka sudu dostavi podnesak bez dokaza o plaćenju taksi, sud donosi rješenje iz člana 19. ovog zakona.
- (2) Sud će postupiti na način utvrđen u stavu (1) ovog člana i u slučaju kada odbije zahtjev za oslobođanje od plaćanja takse.
- (3) Neplaćena sudska taksa ne zadržava tok sudskog postupka.

Član 5.

(Vrijeme nastanka obaveze plaćanja takse)

Ako ovim zakonom nije drugačije propisano, takse nastaju obaveza nastaje:

- a) za podneske - danom njihovog podnošenja;
- b) za sudske odluke - danom donošenja sudske odluke, a ukoliko jedna od stranaka nije prisustvovala glavnoj raspravi, od dana dostavljanja pismene obavijesti o datumu donošenja odluke, odnosno danom dostavljanja odluke ako se dostavlja vrši u skladu sa zakonskim odredbama o dostavi;
- c) za sudske nagodbe - kada se zaključuje;
- d) za paušalnu taksu u postupku raspravljanja zaostavštine - danom donošenja rješenja o nasljeđivanju;
- e) u postupku stečaja - danom donošenja rješenja o glavnoj diobi u postupku stečaja;
- f) u postupku likvidacije - danom donošenja rješenja o zaključenju likvidacionog postupka;
- g) za sudske prepise - kada se zatraže od suda;
- h) za ostale radnje - kada se zatraži njihovo preduzimanje.

Član 6.

(Izuzeci od obaveze plaćanja takse)

- (1) Izuzetno od obaveze iz člana (3) ovog zakona, za podneske i odluke u upravnim sporovima u stvarima penzijskog, invalidskog i zdravstvenog osiguranja, dječijeg dodatka, starateljstva i socijalne pomoći, taksa se plaća samo ako tužba bude odbijena ili odbačena.
- (2) Takse obaveza iz stava (1) ovog člana nastaje danom donošenja odluke.

Član 7.

(Način plaćanja takse)

- (1) Takse predviđene Tarifom sudskih taksa su prihod Budžeta Kantona i plaćaju se u gotovom novcu uplatom na propisani račun javnih prihoda ili u sudskim taksnim markama.
- (2) Takse se plaćaju u gotovom novcu ako je iznos takse veći od 50 KM.

Član 8.

(Rok zastare naplate takse)

Pravo na naplatu takse zastarijeva u roku od pet (5) godina od dana nastanka takse obaveze.

DIO DRUGI. OSLOBAĐANJE OD PLAĆANJA TAKSE

Član 9.

(Oslobođeni od obaveze plaćanja takse)

- (1) Od plaćanja takse oslobođeni su:
 - a) država Bosna i Hercegovina i njeni organi;
 - b) entiteti i njihovi organi;
 - c) Brčko Distrikt Bosne i Hercegovine;
 - d) kantoni i njihovi organi;
 - e) jedinice lokalne samouprave;
 - f) ustanove za socijalnu zaštitu;
 - g) izdržavana lica u postupcima utvrđivanja i ostvarivanja prava po osnovu zakonskog izdržavanja;
 - h) učenici i studenti za vrijeme redovnog školovanja;
 - i) zaposlenik u postupku ostvarivanja prava iz radnog odnosa;
 - j) vojni invalidi i civilne žrtve rata, lica kojima je rješenjem nadležnog organa priznato svojstvo člana porodice poginulih, umrlih, nestalih i zarobljenih boraca i pripadnika teritorijalne odbrane i civilne zaštite;
 - k) žrtve nasilja u porodici i nasilja po osnovu spola, u postupcima zaštite od nasilja;
 - l) logorasi i žrtve teških kršenja međunarodnog prava i ljudskih prava i ozbiljnih povreda međunarodnog humanitarnog prava u postupku ostvarivanja prava na reparaciju;
 - m) privredna društva koja zapošljavaju lica s invaliditetom i zaštitne radionice prilikom registracije preduzeća i samostalnih djelatnosti;
 - n) stranke koje spor riješe medijacijom.
- (2) Takse za podneske i radnje ne plaća lice koje poklanja svoju imovinu kantonalnim organima, ustanovama ili fondacijama, socijalno-humanitarnim, naučnim ili kulturnim organizacijama.
- (3) Strano fizičko i pravno lice je oslobođeno plaćanja takse ako je to predviđeno međunarodnim ugovorom ili pod uslovom reciprociteta. U slučaju sumnje o postojanju reciprociteta, prethodno se pribavlja mišljenje nadležnog ministarstva Bosne i Hercegovine.

Član 10.

(Kada se po zakonu ne plaća sudska taksa)

- (1) U zemljišno-knjižnim postupcima ne plaća se taksa za:
 - a) potpuno ili djelimično brisanje nekog upisanog prava;
 - b) službene radnje u postupku uređenja, zasnivanja i ispravljanja zemljišnih knjiga, osim ako je greška nastala krivicom titulara prava, u postupku uklađivanja zemljišnih knjiga sa fiktivnim stanjem, kao i u postupku za obnavljanje uništenih zemljišnih knjiga, ukoliko se vjerodostojnom ispravom utvrdi da je upis bio prije proveden;
 - c) upis sprovođenja odluke ili ugovora o diobi prava vlasništva ili prava služnosti korištenja, ako su učesnici diobe bili upisani kao suvlasnici tih prava;
 - d) za zabilježbu privremene uprave određene u toku postupka prinudne javne prodaje, kao i za zabilježbu prinudne uprave određene umjesto prinudne javne prodaje;
 - e) naknadni upis supružnika kao suvlasnika na osnovu sudske odluke ili ugovora, ako je jedan od supružnika upisan kao vlasnik u zemljišnim knjigama, kao i za upis kojim se označava idealni dio svakog supružnika na nekretninama koje su u njihovom suvlasništvu;
 - f) upis u zemljišne knjige prava konsultisanih zakonom u korist građana, po službenoj dužnosti ili po zahtjevu stranke;

g) sve ostale radnje koje se poduzimaju po službenoj dužnosti.

- (2) Takso za upis u zemljišno-knjižnim postupcima dužan je platiti lice u čiju se korist vrši upis. Ako upis traži lice čije se pravo ograničava, opterećuje, ukida ili prenosi na drugo lice, to lice takođe solidarno je odgovorno za plaćanje takse sa licima u čiju se korist vrši upis.
- (3) Ako se, u zemljišno-knjižnim postupcima, na osnovu jednog zahtjeva, upisuje više prava u korist jednog lica, taksa se plaća za svaki upis.
- (4) Za davanje uamernih informacija i obavještenja u zemljišno-knjižnim postupcima se ne naplaćuje ni sudska taksa ni dodatni troškovi.
- (5) U postupku stečajnog i likvidacije taksa se ne plaća za:
 - a) podneske stečajnog ili likvidacionog upravnika,
 - b) podneske kojima se prijavljuje upis stečajnog ili likvidacionog postupka, ili upis u sudski registar koji se vrši po službenoj dužnosti.
 - c) u postupcima koje u ime stečajnog dužnika pokreće i provodi stečajni upravitelj radi ostvarenja stečajne mase.
- (6) Za upis odluke o otvaranju stečajnog postupka, odluke o pokretanju postupka likvidacije, kao i odluke o zabrani obavljanja određene djelatnosti, odnosno poslova pravnog lica, ne plaća se taksa.

Član 11.

(Ko može biti oslobođen od obaveze plaćanja takse)

- (1) Sud može osloboditi obveznika od plaćanja takse ako bi plaćanjem takse, imajući u vidu visinu sredstava iz kojih se obveznik i članovi njegovog domaćinstva izdržavaju, ta sredstva bila u tolikoj mjeri umanjena da bi time bila ugrožena njihova egzistencija.
- (2) Odluku iz stava (1) ovog člana donosi sud na pismeni zahtjev taksenog obveznika. Prije donošenja odluke, sud će cijeliti sve okolnosti, a naročito će uzeti u obzir vrijednost mjeroдавnu za naplatu takse, ukupan prihod i imovinu taksenog obveznika i članova njegovog domaćinstva, koje takseni obveznik izdržava.
- (3) Pod domaćinstvom u smislu odredaba ovog zakona se podrazumijeva zajednica života, privredivanja i trošenja osvarenih prihoda.
- (4) Izdržavana lica, u smislu ovog zakona su:
 - a) maloljetna djeca i usvojenici;
 - b) djeca i usvojenici na redovnom školovanju ili vanrednim studijama, ako su nezaposleni - do navršene 26. godine života;
 - c) djeca bez roditelja ako žive u domaćinstvu sa taksenim obveznikom;
 - d) braćni drug;
 - e) roditelji, odnosno usvojitelji ako žive u zajedničkom domaćinstvu sa taksenim obveznikom i nemaju sopstvenih prihoda;
 - f) izdržavana lica po osnovu radne i poslovne nesposobnosti.

Član 12.

(Dokazi za oslobađanje od obaveze za plaćanje takse)

- (1) Visina prihoda taksenog obveznika i članova njegovog domaćinstva, dokazuje se na osnovu uvjerenja nadležnog centra za socijalni rad, odnosno drugih pismenih dokaza koje je takseni obveznik dužan da podnese o svom imovnom stanju.
- (2) Uvjerenje iz stava (1) ovog člana služi kao dokaz za oslobađanje od plaćanja takse samo ako od njegovog izdavanja do podnošenja zahtjeva za oslobađanje nije proteklo više od šest mjeseci.
- (3) Kada je to potrebno, sud može, po službenoj dužnosti, pribaviti potrebne podatke i obavještenja o imovnom stanju taksenog obveznika i članova njegovog domaćinstva, a može o tome saslušati i protivnu stranku.
- (4) Protiv odluke suda kojom je usvojen prijedlog za oslobađanje od plaćanja takse nije dozvoljena posebna žalba.

Član 13.

(Rješenje o oslobađanju od obaveze plaćanja takse)

- (1) Rješenje o oslobađanju od obaveze plaćanja takse odnosi se na sve takse po odgovarajućem predmetu, bez obzira kada je nastala takse obaveza.
- (2) Sud može u toku postupka ukinuti rješenje o oslobađanju od plaćanja takse ako utvrdi da je takseni obveznik u stanju da plati takso.

Član 14.

(Važenje oslobađanja od obaveze plaćanja takse)

- (1) Oslobađanje od obaveze plaćanja takse dato u pamičnom i vanpamičnom postupku, kao i u postupku u upravnim sporovima važi i u postupku izvršenja odluka donijetih u tim postupcima, ako se izvršenje zahtjeva u roku od tri mjeseca po pravosnažnom okončanju postupka.
- (2) Oslobađanje od obaveze plaćanja takse u vanpamičnom i izvršnom postupku važi i u pamičnom postupku koji nastane u toku i povodom vanpamičnog i izvršnog postupka.

Član 15.

(Lica koja nisu dužna plaćati takso za drugog)

- (1) Staralac lica čije je boravište nepoznato, staralac imovine čiji je sopstvenik nepoznat, kao i privremeni zastupnik stranke koga sud postavi u postupku, nisu dužni da plaćaju takso za lica koje zastupaju.
- (2) Naplata takse u slučajevima iz stava (1) ovog člana vrši se iz imovine lica koja se zastupaju.
- (3) Neplaćenu takso u slučajevima iz stava (1) ovog člana sud će unositi u popis taksi i po završetku postupka postupiti u skladu sa odredbama člana 31. ovog zakona.

Član 16.

(Lica na koje se odnosi oslobađanje od obaveze plaćanja takse)

- (1) Oslobađanje od obaveze plaćanja takse odnosi se samo na lica kome je to oslobađanje priznato.
- (2) Kada više lica zajednički predaju podnesak ili zajedno preduzmu radnju u postupku, a jedno ili više njih je oslobođeno od obaveze plaćanja takse, lica koje nije oslobođeno dužno je da plati dio takse koji se odnosi na njega kao da nema oslobođenih od obaveze plaćanja takse.

Član 17.

(Uspjeh u postupku i obaveza plaćanja takse)

- (1) Ako u pamičnom i izvršnom postupku lice oslobođeno od obaveze plaćanja takse uspije u postupku, takso koju bi ono bilo dužno da plati da nije bilo oslobođeno, platiće stranka koja ne uživa oslobađanje i to u srazmjeri u kojoj je oslobođena stranka uspjela u postupku.
- (2) Ako se između stranke oslobođene od obaveze plaćanja takse i stranke koja nije oslobođena zaključi sudska nagodba, takso koju bi trebalo da plati oslobođena stranka platiće stranka koja nije oslobođena, osim ako se stranke drugačije ne dogovore.

Član 18.

(Popis takse za plaćanje)

- (1) Kada u postupku pred sudom učestvuju na jednoj strani lica koje je oslobođeno od obaveze plaćanja takse, a na drugoj lica koje nije oslobođeno, sud je dužan da vodi i popis takse koju bi trebalo da plati oslobođeno lice.
- (2) Popis takse se zaključuje po završetku postupka. Ako se postupak završi na način predviđen članom 17. ovog zakona, sud će postupiti u skladu sa odredbama člana 31. ovog zakona.

Član 19.

(Obračun i kontrola plaćanja takse)

- (1) Iznos takse koju je takseni obveznik dužan da plati obračunava službeno lice koje preduzima radnju u postupku, rješenjem kojim se stranka obavezuje da takso plati u roku od osam dana od dana prijema rješenja.
- (2) Protiv rješenja iz stava (1) ovog člana je dozvoljena žalba u roku od osam dana od dana prijema rješenja.

- (3) Izjavljena žalba ne odlaže izvršenje rješenja iz stava (1) ovog člana.
- (4) Kontrolu naplate takse vrši službeno lice koje preduzima radnju u postupku.

DIO TREĆI. UTVRĐIVANJE VRIJEDNOSTI PREDMETA SPORA RADI NAPLATE TAKSE**Član 20.**

(Utvrdjivanje vrijednosti predmeta spora u parničnom postupku)

- (1) U parničnom postupku taksa se plaća prema vrijednosti predmeta spora, a ne manje od 20 KM.
- (2) Ako ovim zakonom nije drugačije određeno, odredbe propisa o parničnom postupku, na osnovu kojih se utvrđuje vrijednost spora, primjenjuju se i prilikom određivanja vrijednosti spora radi naplate takse.

Član 21.

(Utvrdjivanje vrijednosti predmeta spora kod više tuženih)

Ako tužilac jednom tužbom obuhvati dva ili više tuženih i traži da tužbeni zahtjev bude usvojen prema stijedećem tuženom, u slučaju da bude pravosnažno odbijen prema onome koji je u tužbi naveden prije njega, ili ako prema svakom od njih ističe isti zahtjev, ili ako prema pojedinim od njih ističe različite zahtjeve koji su u međusobnoj vezi, vrijednost predmeta spora radi naplate takse određuje se prema zahtjevu čija je vrijednost najveća.

Član 22.

(Utvrdjivanje vrijednosti predmeta spora u sporovima u vezi sa zakonskim izdržavanjem)

Ako je predmet spora pravo na zakonsko izdržavanje ili potraživanje pojedinih iznosa zakonskog izdržavanja, vrijednost predmeta spora radi naplate takse računa se prema zbiru davanja za tri mjeseca, ako se izdržavanje ne traži za kraće vrijeme.

Član 23.

(Utvrdjivanje vrijednosti predmeta spora u sporovima iz nasljednog prava)

Ako je predmet spora nasljedno pravo na cijeloj zaostavštini, kao vrijednost predmeta spora uzima se vrijednost čiste zaostavštine, a ako je predmet spora samo jedan dio zaostavštine ili određena stvar iz zaostavštine, kao vrijednost predmeta spora uzima se čista vrijednost tog dijela, odnosno stvari.

Član 24.

(Šta se uzima kao vrijednost predmeta spora radi naplate takse)

- Kao vrijednost predmeta spora radi naplate takse uzima se:
- a) u diobnim parnicama - vrijednost dijela imovine koja se izdvaja iz zajedničke imovine koja je predmet diobe;
 - b) u parnicama u kojima je predmet spora izvršenje kakve radnje ili ispunjenje ili nečinjenje ili izjava volje ili utvrđenje da postoji ili ne postoji neko pravo ili pravni odnos ili da se izvrši istinitost ili neistinitost kakve isprave - iznos koji je tužilac označio u tužbi s tim da taj iznos ne može biti manji od 500 KM;
 - c) u parnicama za proglašenje prestanka važnosti ugovora o arbitraži - iznos od 500 KM;
 - d) u sporovima o stvarnim i ličnim služnostima i o doživotnom izdržavanju - iznos od 500 KM;
 - e) u sporovima o utvrđivanju reda prvenstva potraživanja u izvršnom postupku - visina potraživanja, a najviše 1000 KM.

Član 25.

(Najniži iznos predmeta vrijednosti spora)

Ako se po odredbama čl. 20. do 25. ovog zakona ne može utvrditi vrijednost predmeta spora, kao vrijednost se uzima iznos od 500 KM.

Član 26.

(Utvrdjivanje vrijednosti predmeta spora u izvršnom postupku)

- (1) U izvršnom postupku plaća se taksa prema vrijednosti zahtjeva koji treba izvršiti.

- (2) Pri utvrđivanju vrijednosti zahtjeva u izvršnom postupku za naplatu takse shodno se primjenjuju odredbe čl. 20. do 25. ovog zakona.

Član 27.

(Utvrdjivanje vrijednosti predmeta spora u upravnim sporovima)

- (1) U upravnim sporovima plaća se taksa prema vrijednosti predmeta spora, ako je predmet spora procjenjiv.
- (2) Vrijednost procjenjivog spora utvrđuje se shodno odredbama čl. 20. do 25. ovog zakona.
- (3) Ako predmet spora nije procjenjiv, plaća se taksa kao u tarifnom broju 23 Tarife sudskih taksi.

Član 28.

(Utvrdjivanje vrijednosti predmeta spora u ostalim postupcima)

Kada je u vanparničnom postupku, u zemljišno-knjižnom postupku, u stečajnom postupku i postupku likvidacije za plaćanje takse mjerodavna vrijednost zahtjeva, za njeno utvrđenje će se shodno primjenjivati odredbe čl. 20. do 25. ovog zakona, ako u Tarifi sudskih taksi nije drugačije određeno.

Član 29.

(Promjena vrijednosti predmeta spora u toku postupka)

- (1) Prvobitno utvrđena vrijednost predmeta spora ostaje kao osnov za plaćanje takse, bez obzira da li se ta vrijednost promijenila u toku postupka, ako ovim zakonom nije drugačije određeno.
- (2) Ako sud odredi vrijednost predmeta spora, ta vrijednost uzima se kao taksa osnovica, nakon što se rješenje suda o vrijednosti spora saopći strankama.
- (3) Kada se vrijednost predmeta spora iz stava (2) ovog člana promijeni usljed preinačenja zahtjeva ili djelimičnog rješenja zahtjeva, kao taksa osnovica uzima se promijenjena vrijednost za sve podneske i radnje poslije takve promjene. Ako se vrijednost promijenila usljed izjave stranke podneskom, taksa se plaća po promijenjenoj vrijednosti i za taj podnesak.
- (4) Ako pravni lijek ulažu obje stranke, taksa za pravni lijek određuje se posebno za svaku stranku prema vrijednosti onog dijela odluke koji se pravnim lijekom pobija.
- (5) U statuznim sporovima, u sporovima za utvrđivanje i u sporovima u kojima se tužbeni zahtjev ne odnosi na novčani iznos, za plaćanje takse za pravni lijek, mjerodavna je vrijednost prema kojoj je plaćena taksa za tužbu.
- (6) Za pravni lijek koji se ulaže samo protiv odluke o troškovima postupka ili odluke o sporednim potraživanjima, taksa se plaća samo prema iznosu troškova postupka ili iznosu sporednih potraživanja.

DIO ČETVRTI. POSTUPAK ZA NAPLATU NEPLAĆENE TAKSE I REGISTAR**Član 30.**

(Prinudna naplata neplaćene takse)

- (1) Ako takseni obveznik ne plati taksu u roku iz člana 19. stav (1) ovog zakona, taksa će se naplatiti u skladu sa federalnim zakonom o izvršnom postupku.
- (2) Postupak za naplatu neplaćene takse pokreće pred nadležnim sudom Pravobranilaštvo Kantona Sarajevo, na osnovu dostavljenog rješenja suda i obavještenja o neplaćenju taksi.
- (3) Izuzetno, ako je takseni obveznik pravno lice i ako se utvrdi da je to efikasan način osiguranja naplate, sud će rješenje i obavještenje o neplaćenju taksi dostaviti banci kod koje pravno lice ima račun, radi naplate takse.

Član 31.

(Registar)

- (1) Sud uspostavlja i vodi Registar obračunatih sudskih taksi (u daljem tekstu: Registar) koje do dana uspostavljanja Registra nisu plaćene, a za njihovu naplatu nije nastupila zastara.
- (2) Uredbu o izgledu i sadržaju Registra, kao i načinu unošenja i korištenja podataka iz Registra donijće Vlada Kantona

Sarajevo, u roku od tri mjeseca od dana stupanja na snagu ovog zakona.

Član 32.
(Postupanje sa nenaplaćenim sudskim taksama kod kojih nije stupila zastarjelost)

O svim nenaplaćenim sudskim taksama kod kojih nije nastupila zastarjelost, sud je dužan obavijestiti Pravobranilaštvo Kantona Sarajevo, radi pokretanja postupka prinudne naplate.

DIO PETI. POVRAT TAKSE

Član 33.
(Pravo na povrat plaćene takse)

- (1) Lice koje je platilo taksu koju uopšte nije bilo dužno da plati ili je platilo taksu u iznosu većem od propisanog, kao i lice koje je platilo taksu za sudsku radnju, a ta radnja iz bilo kog razloga nije izvršena, ima pravo na povrat takse.
- (2) Postupak za povrat takse pokreće se na zahtjev lica iz stava (1) ovog člana.

Član 34.
(Rok za podnošenje zahtjeva za povrat plaćene takse)
Zahtjev za povrat takse se podnosi sudu u roku od 30 dana od dana kada je taksa plaćena, odnosno od dana saznanja da sudska radnja nije izvršena, a najkasnije u roku od godinu dana od dana kada je taksa plaćena.

Član 35.
(Zahtjev za povrat plaćene takse u slučaju medijacije)
Ako se stranke, u toku postupka, a najkasnije do zaključenja glavne rasprave, sporazumiju da će pristupiti rješavanju spora u postupku medijacije i u postupku medijacije postignu sporazum, imaju pravo na povrat naplaćene takse u punom iznosu.

Član 36.
(Rješenje o usvajanju zahtjeva za povrat plaćene takse)
Ukoliko usvoji zahtjev za povrat takse, sud će primjerak rješenja dostaviti i nadležnom ministarstvu, radi izvršenja povrata.

Član 37.
(Kada se ne plaća taksa)
U postupku povrata takse ne plaća se taksa.

DIO ŠESTI. NADZOR NAD PRIMJENOM OVOG ZAKONA
Član 38.
(Nadležan organ za vršenje nadzora)
Nadzor nad provedbom odredaba ovog zakona vrši Ministarstvo finansija Kantona Sarajevo.

DIO SEDMI. PRIJELAZNE I ZAVRŠNE ODREDBE

Član 39.
(Plaćanje takse u prelaznom razdoblju)
(1) Za podneske, radnje i isprave po kojima je taksa obaveza nastala do dana stupanja na snagu ovog zakona, a taksa nije plaćena, taksa će se platiti u skladu sa propisima i tarifom koji su važili do njegovog stupanja na snagu.
(2) Ako je do stupanja na snagu ovog zakona plaćena taksa za radnju, koja će se izvršiti poslije njegovog stupanja na snagu, neće se plaćati nova taksa po ovom zakonu, niti će se vraćati više naplaćena taksa.
(3) Ako je takseni obveznik oslobođen plaćanja takse u postupku, koji do stupanja na snagu ovog zakona nije okončan, dato oslobođenje važi i poslije stupanja na snagu ovog zakona.

Član 40.
(Prestanak primjene ranijih propisa)
Danom početka primjene Zakona o sudskim taksama ("Službene novine Kantona Sarajevo", broj 21/09) prestaje da važi Zakon o sudskim taksama ("Službene novine Kantona Sarajevo", br. 3/97, 11/97 i 10/98).

Član 41.
(Ovlašćenje za utvrđivanje prečišćenog teksta Zakona o sudskim taksama)

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Zakona o sudskim taksama.

Član 42.
(Završne odredbe)

- (1) Zakon o sudskim taksama stupio je na snagu osmog dana od dana objavljivanja u "Službenim novinama Kantona Sarajevo" broj 21/09.
- (2) Zakon o izmjenama i dopunama Zakona o sudskim taksama stupio je na snagu osmog dana od dana objavljivanja u "Službenim novinama Kantona Sarajevo" broj 29/09.
- (3) Zakon o izmjeni Zakona o sudskim taksama stupio je na snagu osmog dana od dana objavljivanja u "Službenim novinama Kantona Sarajevo" broj 14/11.
- (4) Zakon o izmjenama Zakona o sudskim taksama stupio je na snagu osmog dana od dana objavljivanja u "Službenim novinama Kantona Sarajevo" broj 36/13.
- (5) Zakon o izmjenama i dopunama Zakona o sudskim taksama stupio je na snagu osmog dana od dana objavljivanja u "Službenim novinama Kantona Sarajevo" broj 18/14.

TARIFA SUDSKIH TAKSI

DIO PRVI. PARNIČNI I IZVRŠNI POSTUPAK

Tarifni broj 1.
(Taksa za podneske)

- (1) Za tužbu, protivtužbu, prijedlog za ponavljanje postupka, prijedlog da se prizna odluka stranog suda i odluka stranog arbitražnog suda, plaća se, prema vrijednosti predmeta spora, sljedeća taksa:
 - a) do 500 KM vrijednosti 20 KM takse;
 - b) preko 500 KM do 1.000 KM vrijednosti 5% takse;
 - c) preko 1.000,00 KM do 5.000 KM vrijednosti 4% takse;
 - d) na iznose preko 5.000 KM vrijednosti 3% takse, a najviše do 10.000 KM takse.
- (2) Za tužbu za utvrđivanje i osporavanje očinštva, plaća se taksa u iznosu od 50 KM.
- (3) Za tužbu kojom se traži razvod braka, poništenje braka, utvrđivanje postojanja i nepostojanja braka i utvrđivanje da je brak zaključen plaća se taksa u iznosu od 200 KM.
- (4) Za tužbu radi smetanja posjeda plaća se taksa u iznosu od 100 KM.
- (5) Za tužbu radi iseljenja plaća se taksa u iznosu od 100 KM.
- (6) Za tužbu zbog otkaza ugovora o zajmu ili zakupu stvari, za tužbu o otkazu ugovora o zakupu poslovnih prostorija plaća se taksa u iznosu od 200 KM.
- (7) Za prijedlog da se dozvoli izvršenje ili obezbjeđenje ili izda privremena mjera, za prijedlog za povrat u prijašnje stanje, za prijedlog za obezbjeđenje dokaza prije pokretanja parnice, za prijedlog za određivanje sudske mjere osiguranja, za odgovor na tužbu ili reviziju, plaća se polovina takse propisane ovim tarifnim brojem, a ne više od 1.000 KM.
- (8) Izuzetno od stava (7) ovog tarifnog broja za prijedlog da se dozvoli izvršenje po osnovu vjerodostojne isprave (izvodi iz poslovnih knjiga), plaća se taksa u iznosu od 10 KM.
- (9) Za prijedlog kojim se daje otkaz ugovora o zakupu poslovnih prostorija, plaća se taksa u iznosu od 100 KM.
- (10) Za prijedlog da se prizna odluka inostranog suda u stvarnim stvarima plaća se taksa u iznosu od 100 KM, a za žalbu protiv donesenog rješenja 200 KM.
- (11) Za žalbu ili reviziju protiv presude i za žalbu protiv rješenja u sporovima zbog smetanja posjeda, plaća se dvostruka taksa propisana stavom (1) ovog tarifnog broja.
- (12) Za žalbu protiv rješenja kojim je odbijen prijedlog za povrat u prijašnje stanje plaća se polovina takse prema vrijednosti predmeta spora iz stava (1) ovog tarifnog broja, ali ne više od 200 KM.

- (13) Za žalbu ili reviziju protiv ostalih rješenja plaća se taksa propisana u stavu (1) ovog tarifnog broja.
- (14) Za podnesak primljen na zapisnik kod suda, kao i za podnesak primljen na zapisnik u toku rasprave, plaća se taksa za odnosni podnesak, propisana ovim tarifnim brojem.
- (15) Kad je u tužbi stavljen prijedlog za određivanje sudske mjere osiguranja ili kada se u žalbi stavi prijedlog za povrat u prijašnje stanje, plaća se, pored takse na tužbu, odnosno žalbu i taksa na prijedlog propisana stavom (7) ovog tarifnog broja.
- (16) Za prijedlog da se dozvoli izvršenje ili obezbjeđenje ili da se odredi sudska mjera osiguranja, plaća se jedna taksa i kad se predloži istovremeno ili naknadno više sredstava izvršenja, odnosno obezbjeđenja.

Tarifni broj 2.
(Taksa za odluke)

- (1) Za presudu prvostepenog suda i rješenje o priznavanju odluke stranog suda ili odluke stranog arbitražnog suda, plaća se taksa prema taksonoj osnovici, propisanoj tarifnim brojem 1. ove Tarife.
- (2) Za presudu zbog propuštanja, presudu zbog odricanja i za presudu na osnovu priznanja donesenu najkasnije na pripremnom ročištu, odnosno na ročištu za glavnu raspravu, ako pripremno ročište nije održano, plaća se polovina takse propisane tarifnim brojem 1. ove Tarife, a ne više od 100 KM.
- (3) Za rješenje o odbacivanju tužbe, koje se shodno Zakonu o parničnom postupku donosi prije ili u toku prvostepenog postupka, plaća se polovina takse propisane tarifnim brojem 1. ove Tarife, a ne više od 100 KM.
- (4) Za rješenje o prijedlogu za dozvolu izvršenja ili obezbjeđenja, kao i za rješenje o određivanju sudske mjere osiguranja, odnosno naredbe, plaća se polovina takse propisane tarifnim brojem 1. ove Tarife, a ne više od 1.000 KM.
- (5) Taksa za konačnu odluku plaća se prema vrijednosti ostatka spornog predmeta koji nije obuhvaćen dopunskom presudom.
- (6) Za presudu prvostepenog suda koja je donesena u vezi sa protivtužbom plaća se taksa kao da je o protivtužbi posebno raspravljano.
- (7) Ako je više pamica spojeno radi zajedničkog raspravljanja, taksa za presudu plaća se posebno za svaku pamicu, kao da ne postoji epajanje više pamica.
- (8) Za dopunsku presudu ili rješenje neće se plaćati taksa ako je za odluku koja je dopunjena plaćena taksa prema punoj vrijednosti spora. Takođe se neće plaćati taksa za donošenje odluke kojom se vrši naknadna ispravka ranije donijete odluke.
- (9) Za rješenje o izvršenju ili obezbjeđenju, plaća se jedna taksa, bez obzira da li je odlučeno o više sredstava izvršenja, odnosno obezbjeđenja i bez obzira da li je odlučeno istovremeno ili naknadno.

Tarifni broj 3.
(Taksa za sudsku nagodbu)

Za sudsku nagodbu u toku prvostepenog postupka plaća se prema vrijednosti na koju su se stranke poravnale, polovina takse propisane tarifnim brojem 1. ove Tarife.

DIO DRUGI. VANPARNIČNI POSTUPAK

Tarifni broj 4.
(Opće odredbe)

- (1) Za prijedlog kojim se pokreće postupak u vanparničnoj stvari, izuzev kada se radi o postupcima koji su predviđeni u tarifnim brojevima 8. do 12. ove Tarife, plaća se taksa u iznosu od 60 KM.
- (2) Za prijedlog i odluku za proglašenje nestalog lica u ratu umrlim i dokazivanje smrti lica u ratu, ne plaća se taksa.
- (3) Taksa na nalog za iseljenje iz poslovnih prostorija uračunava se u taksu na odluku suda koja bude donijeta povodom prigovora protiv naloga. Ako je taksa na nalog veća od takse koja je plaćena na odluku povodom prijedloga za izdavanje naloga za

iseljenje iz poslovnih prostorija, u tom slučaju će se naplatiti razlika.

Tarifni broj 5.
(Taksa za odluku u vanparničnom postupku)

- (1) Za odluku suda u vanparničnom postupku plaća se taksa u iznosu od 100 KM.
- (2) U svim vanparničnim postupcima primjenjivaće se shodno odredbe stava (8) iz tarifnog broja 2. ove Tarife.

Tarifni broj 6.
(Taksa za sudsku nagodbu u vanparničnom postupku)
Za sudsku nagodbu u svim vanparničnim postupcima plaća se taksa u iznosu od 50 KM.

Tarifni broj 7.
(Taksa za žalbu u vanparničnom postupku)
Za žalbu protiv odluke prvostepenog suda u vanparničnom postupku, plaća se taksa u iznosu od 100 KM.

Tarifni broj 8.
(Taksa za raspravljanje zaostavštine)

- (1) Za raspravljanje zaostavštine plaća se taksa prema vrijednosti čiste zaostavštine i to:
- a) do 5.000 KM - 50 KM,
 - b) preko 5.000 KM do 20.000 KM - 100 KM,
 - c) preko 20.000 KM do 50.000 KM - 150 KM,
 - d) preko 50.000 KM do 100.000 KM - 200 KM,
 - e) preko 100.000 do 200.000 KM - 300 KM,
 - f) preko 200.000 do 500.000 KM - 500 KM,
 - g) preko 500.000 KM - 500 KM + 1% na razliku iznad 500.000 KM ali ne više od 5.000 KM.
- (2) Taksa se plaća samo ako je postupak za raspravljanje zaostavštine završen donošenjem rješenja o naslijeđivanju. Taksa na rješenje o naknadno pronađenoj imovini plaća se prema vrijednosti naknadno pronađene imovine, a u skladu sa stavom (1) ovog tarifnog broja.
- (3) Taksu plaćaju nasljednici u srazmjeri nasljednih dijelova.
- (4) Taksu ne plaćaju nasljednici prvog nasljednog reda i braćni drugovi iz drugog nasljednog reda.
- (5) Prilikom utvrđivanja čiste vrijednosti zaostavštine odbiće se ostaviočevi dugovi, troškovi sahrane ostavioaca, legati i drugi tereti, troškovi popisa i procjene zaostavštine i drugi troškovi.
- (6) Ne plaća se posebna taksa za diobu nasljedstva ako nasljednici sporazumno predlože diobu i sporazum o diobi bude unesen u rješenje o naslijeđivanju.
- (7) Za zabilježbu prvenstvenog reda i uknjižbu ustupanja prvenstva kao i za ostale zabilježbe vezane za zaostavštinu plaća se taksa propisana tarifnim brojem 14. ove Tarife.

Tarifni broj 9.
(Taksa za sastavljanje i čuvanje testamenta)

- Taksa u iznosu od 50 KM plaća se za:
- a) prijedlog za sastavljanje sudskog testamenta,
 - b) sastavljanje sudskog testamenta,
 - c) prijedlog kojim se traži čuvanje testamenta u sudu,
 - d) opoziv testamenta sastavljenog pred sudom,
 - e) prijedlog za vraćanje testamenta koji se nalazi na čuvanju u sudu,
 - f) vraćanje testamenta koji se zamjenjuje.

Tarifni broj 10.
(Taksa za prijedlog i odluku u postupku diobe zajedničke imovine)

- Za prijedlog i odluku da se provede dioba zajedničke imovine taksa se plaća prema vrijednosti imovine i to:
- a) do 5.000 KM - 50 KM,
 - b) preko 5.000 KM do 20.000 KM - 100 KM,
 - c) preko 20.000 KM do 50.000 KM - 150 KM,
 - d) preko 50.000 KM do 100.000 KM - 200 KM,
 - e) preko 100.000 do 200.000 KM - 300 KM,
 - f) preko 200.000 do 500.000 KM - 500 KM,

- g) preko 500.000 KM vrijednosti - 500 KM + 1% na razliku iznad 500.000 KM ali ne više od 5.000 KM.

Tarifni broj 11.

(Taksa za prijedlog za uređenje međe)

Za prijedlog za uređenje međe plaća se taksa u iznosu od 100 KM.

Tarifni broj 12.

(Taksa za ovjeru potpisa, rukopisa, prijepisa i prevoda)

- (1) Za podnesak kojim se traži ovjera potpisa, rukopisa, prijepisa i prevoda plaća se taksa u iznosu od 10 KM.
- (2) Za ovjeru prepisa plaća se taksa - za prvi polutabak 10 KM, a za svaki sljedeći polutabak iznos od 5 KM.
- (3) Za ovjeru rukopisa plaća se taksa za prvi polutabak 10 KM, a za svaki sljedeći novi polutabak iznos od 5 KM.
- (4) Za ovjeru potpisa sudskog tumača na prijevodima plaća se taksa u iznosu od 10 KM.
- (5) Za ovjeru potpisa na punomoći plaća se taksa u iznosu od 10 KM.
- (6) Potpis na ispravi koju izdaju državni organi, potpisi ovlaštenih lica za potpisivanje firmi ili pravnog lica smatraju se kao jedan potpis, ako su propisima ili pravilima za potpisivanje ovlaštena dva ili više lica.
- (7) Za podnesak kojim se traži ovjera potpisa (rukoznaka) na ispravi plaća se jedna taksa, bez obzira koliko se potpisa (rukoznaka) na ispravi ovjerava.
- (8) Za ovjeru potpisa (rukoznaka) i pečata, plaća se jedna taksa.
- (9) Ako se jednim podneskom traži ovjera potpisa (rukoznaka) na više isprava plaća se taksa na podnesak.
- (10) Pod polutabakom podrazumijeva se list hartije od dvije strane formata A-4. Započeti polutabak računa se kao cijeli. Kada je vrijednost ugovora procjenjiva, ali nije u ugovoru označena, za ovjeru potpisa na ugovoru plaća se dvostruka taksa iz stava (6) ovog tarifnog broja.
- (11) Za ovjeru potpisa na punomoću, odnosno ugovoru plaća se jedna taksa, bez obzira da li se ovjerava jedan ili više potpisa.

DIO TREĆI ZEMLIŠNO-KNJIŽNI POSTUPAK

Tarifni broj 13.

(Taksa za podneske)

Za podnesak kojim se traži upis prava vlasništva, upis ili brisanje uknjižbe, zabilježbe ili predbilježbe kao i upis prava upravljanja ili prava korišćenja na nekretninama, plaća se taksa u iznosu od 10 KM.

Tarifni broj 14.

(Taksa za upise podataka)

- (1) Sudsku taksu snosi lice u čiju korist se vrši uknjižba, osim ako ugovorne strane ne utvrde drugačije.
- (2) Za uknjižbu u zemljišnu knjigu plaća se:
 - a) uknjižba vlasništva 50 KM,
 - b) uknjižba hipoteke, zemljišnog duga ili doživotnog prava uživanja, trajnog prava korišćenja, stvarnih služnosti i tereta, pravo dugoročnog najma i zakupa, prava preče kupovine i realnih tereta 50 KM
 - c) uknjižba predbilježbe ili zabilježbe naplaćuje se paušalno 10 KM.
 - d) upis koji se vrši u toku pamičnog, vanpamičnog ili izvršnog postupka 50 KM,
 - e) uspostava posebnog ZK uložka po osnovu elaborata o etažiranju 10 KM.

Tarifni broj 15.

(Takse za prijepise i izvratke)

- (1) Za prijepise i izvratke plaća se sljedeća taksa:
 - a) za izdavanje ovjerenog prijepisa ili službenog izvratka 10 KM,
 - b) za izdavanje uvjerenja i potvrda 5 KM,
 - c) za izdavanje izvadaka sa istorijatom 5 KM po stranici.

- (2) Za dopune i potvrde prijepisa i izvadaka naplaćuje se ista taksa kao i za njihovo izdavanje

Tarifni broj 16.

(Taksa za žalbu ili prigovor)

Za žalbu ili prigovor protiv rješenja u zemljišno-knjižnim postupcima plaća se taksa u iznosu od 10 KM.

DIO ČETVRTI TAKSE U POSTUPKU STEČAJA I LIKVIDACIJE

Tarifni broj 17.

(Takse za podneske)

- (1) Za prijedlog da se otvori postupak stečaja ili likvidacije, plaća se taksa u iznosu od 100 KM.
- (2) Za prijavu povjerilaca u postupku stečaja ili likvidacije, plaća se taksa u iznosu od 1% od vrijednosti potraživanja, a tim dane može biti manja od 20 KM, niti veća od 10.000 KM.
- (3) Na žalbu protiv odluke u stečajnom ili likvidacijskom postupku povjerioca koji ulaže žalbu, plaća se taksa u iznosu od 1% od vrijednosti potraživanja, a tim da ne može biti manja od 100 KM, niti veća od 10.000 KM.
- (4) Kao osnov za plaćanje takse na prijave povjerilaca uzima se iznos potraživanja koji povjerilac prijavljuje. Pri tome će se uzimati da uslovljena tražbina nije uslovljena. Ako jedan povjerilac prijavi više potraživanja taksa se plaća na ukupan iznos tih potraživanja.

Tarifni broj 18.

(Taksa u stečajnom postupku)

- (1) U stečajnom postupku, od zbiru iznosa koji su upotrebljeni ili stoje na raspolaganju za podmirenje dugova stečajne mase, plaća se taksa u iznosu od 100 KM do 1.000 KM, u zavisnosti od složenosti postupka.
- (2) Taksu u stečajnom postupku određuje sud po okončanju postupka, a dužan je platiti stečajni upravitelj iz stečajne mase nakon pravosnažnosti rješenja o glavnoj ili naknadnoj diobi.

DIO PETI PREKRŠAJNI POSTUPAK

Tarifni broj 19.

(Takse u prekršajnom postupku)

- (1) Na zahtjev o sudskom odlučivanju po prekršajnom nalogu plaća se taksa u iznosu od 10 KM.
- (2) Na prijedlog za povrat u predašnje stanje plaća se taksa u iznosu od 10 KM.
- (3) Na žalbu za rješenje plaća se taksa u iznosu od 10 KM.

DIO ŠESTI UPIS U SUDSKI REGISTAR

Tarifni broj 20.

(Taksa za podneske)

- (1) Za prijavu u sudski registar plaća se taksa u iznosu od 10 KM.
- (2) Ako se jednom prijavom traži više upisa za isto pravno lice, plaća se samo jedna taksa iz ovog tarifnog broja.

Tarifni broj 21.

(Taksa za upise u sudski registar)

- (1) Za rješenje o upisu osnivanja privrednog društva plaća se taksa u iznosu od 200 KM.
- (2) Za rješenje o upisu osnivanja dijelova privrednog društva, plaća se taksa u iznosu od 100 KM.
- (3) Za rješenje o upisu osnivanja drugih pravnih lica koji nisu navedeni u st. (1) i (2) ovog tarifnog broja plaća se taksa u iznosu od 200 KM.
- (4) Za rješenje o upisu lica ovlaštenog za zastupanje pravnog lica plaća se taksa u iznosu od 100 KM.
- (5) Za rješenje o upisu prava vršenja spoljnotrgovinskog prometa plaća se taksa u iznosu od 200 KM, pored iznosa iz stava (1) ovog tarifnog broja.
- (6) Za rješenje o upisima koji nisu obuhvaćeni prethodnim stavovima ovog tarifnog broja plaća se taksa u iznosu od 150 KM po jednom upisu.

- (7) Za zahtjev za brisanje upisa iz sudskog registra plaća se taksa u iznosu od 50 KM.
- (8) Za rješenje po zahtjevu za brisanje upisa, plaća se taksa u iznosu od 50 KM.
- (9) Kada se više privrednih društava spajaju u jedno, pored takse za podnesak plaća se i taksa iz stava (6) ovog tarifnog broja, kao i taksa za upis novoosnovanog privrednog društva.
- (10) Ako se jednim podneskom traži više upisa, plaća se taksa za svaki upis posebno.
- (11) Za žalbu na rješenje donijeto u postupku upisa u sudski registar plaća se taksa u iznosu od 100 KM.

Tarifni broj 22.

(Taksa za objavljivanje upisanih podataka)

- (1) Za dostavljanje upisanih podataka radi objavljivanja u "Službenom glasniku Bosne i Hercegovine" plaća se taksa u iznosu od 10 KM.
- (2) Za objavljivanje podataka čije je upisivanje traženo jednim podneskom, plaća se samo jedna taksa iz ovog tarifnog broja.

DIO SEDMI. UPRAVNI SPOR I POSTUPAK ZA SUDSKU ZAŠTITU

Tarifni broj 23.

(Taksa za tužbu u upravnim sporovima)

- (1) Za tužbu protiv upravnog akta plaća se taksa u iznosu od 100 KM.
- (2) Za odbijenu ili odbačenu tužbu u sporovima iz zdravstvenog, penzijskog i invalidskog osiguranja, dječijeg dodatka, starateljstva, usvojenja i socijalne pomoći plaća se taksa u iznosu od 20 KM.
- (3) Za tužbu za ponavljanje postupka plaća se taksa u iznosu od 100 KM.
- (4) Za zahtjev za vanredno preispitivanje sudske odluke u upravnom sporu plaća se taksa u dvostrukom iznosu od takse iz st. (1) i (2) ovog tarifnog broja.
- (5) Ako je uz tužbu protiv upravnog akta stavljen i zahtjev za odlaganje od izvršenja upravnog akta, plaća se taksa u iznosu od 150 KM.

Tarifni broj 24.

(Taksa za odluke)

- Za presudu u postupku u upravnom sporu plaća se taksa:
- a) kada je predmet spora procjenjiv - 1% od vrijednosti spornog predmeta, s tim da ne može biti manja od 100 KM ni veća od 5.000 KM;
- b) kada je predmet spora neprocjenjiv - 100 KM;
- c) ako je predmet spora djelimično procjenjiv, taksa se plaća kao da je predmet procjenjiv.

DIO OSMI. POSEBNI SLUČAJEVI

Tarifni broj 25.

(Taksa za sudska uvjerenja i potvrde)

- (1) Za podnesak kojim se traži izdavanje uvjerenja plaća se taksa u iznosu od 5 KM.
- (2) Za izdato uvjerenje se plaća taksa u iznosu od 10 KM.
- (3) Za potvrdu o pravosnažnosti ili izvršnosti koja se stavlja na sudski otpisak plaća se taksa u iznosu od 5 KM.
- (4) Ako se jednim uvjerenjem potvrđuje više činjenica, plaća se jedna taksa.
- (5) Plaćanju takse iz stava (1) ovog tarifnog broja podliježu i elektronski podnesci kao i svaki naknadni podnesak kojim se dopunjava ili mijenja prvobitni podnesak.

Tarifni broj 26.

(Taksa za punomoć)

- (1) Za izdavanje usmene punomoći pred sudom, za usmeno opozivanje ili otkaz punomoći pred sudom plaća se taksa u iznosu od 10 KM.
- (2) Za sudske obavijesti o opozivu ili otkazu punomoći plaća se taksa u iznosu od 5 KM.

- (3) Ako više lica ovlaštenih za potpisivanje pravnog lica izdaju punomoć jednom zastupniku, plaća se taksa za jednu punomoć.

- (4) Za izdavanje usmene punomoći po stavu (1) ovog tarifnog broja, plaća se jedna taksa i kad više lica istovremeno izdaju punomoć jednom ili većem broju lica.

Tarifni broj 27.

(Taksa za razmatranje spisa)

Za pismeni podnesak za razmatranje završenih sudskih spisa plaća se taksa u iznosu od 5 KM.

Tarifni broj 28.

(Takse za prijepise)

- (1) Za pismeni ili usmeni zahtjev da se izvrši prepisivanje sudskog akta, plaća se taksa u iznosu od 5 KM.
- (2) Za prepisivanje sudskih akata kao i za prepisivanje akata iz zbirke isprava koje je sud izvršio na zahtjev stranke, plaća se od svake započete stranice originala taksa u iznosu od po 5 KM.
- (3) Za izdavanje prijepisa raspravnog zapisnika plaća se polovina takse iz stava (1) ovog tarifnog broja.
- (4) Za izdavanje transkripta audio zapisa plaća se taksa od 2 KM po stranici. Kao cijela stranica smatra se svaka započeta stranica teksta u standardnom formatu.
- (5) Za izdavanje audio zapisa na CD-u plaća se taksa u iznosu od 5 KM.
- (6) Ako se istovremeno sudski prijepis ovjerava plaća se posebna taksa za ovjetavanje u iznosu od 5 KM.
- (7) Za prijepis raspravnog zapisnika koji je izrađen istovremeno sa sastavljanjem originala plaća se polovina takse iz stava (1) ovog tarifnog broja.
- (8) Pod prepisom se ne podrazumijevaju: fotokopija ili kopija, koja je preslikani original ili matrica, uključujući uvećanje i umanjenje, mehaničkim ili elektronskim prenošenjem, hemijskom reprodukcijom ili nekom drugom ekvivalentnom tehnikom kojom se precizno reprodukuje original.
- (9) Za fotokopiju ili kopiju plaća se taksa u iznosu od 0,5 KM po svakoj stranici.

Tarifni broj 29.

(Taksa za izvode iz sudskog registra pravnih lica)

- (1) Za izvode iz sudskog registra pravnih lica, ako se izdaju na zahtjev stranke, plaća se taksa u iznosu od 5 KM po stranici.
- (2) Kada je izvod sastavila sama stranka i podnijela ga sudu na potvrdu plaća se polovina takse iz ovog tarifnog broja.

Tarifni broj 30.

(Taksa za sudski depozit)

- (1) Za čuvanje (depozit) novca, stvari i papira od vrijednosti na zahtjev stranke, plaća se godišnje 1% vrijednosti, s tim da iznos takse ne može biti manji od 100 KM.
- (2) Taksa se plaća za svaku godinu unaprijed, a započeta godina računa se kao cijela.
- (3) Ako se vrijednost stvari ne može procijeniti po njihovoj prirodi, izvršuje se procjena od strane vještaka o trošku deponenta.

Tarifni broj 31.

(Taksa za protest isprava)

- (1) Za molbu za protest mjenice, čeka i drugih isprava ili ugovora zbog neakceptiranja, neisplate ili neispunjenja, plaća se taksa u iznosu od 5 KM.
- (2) Za protest isprave se plaća taksa prema vrijednosti, i to:
 - a) do 50 KM - 5 KM,
 - b) preko 50 KM do 500 KM - 25 KM,
 - c) preko 500 KM - 50 KM.
- (3) Ako se jednom molbom traži više protesta odnosno zamjena protesta, plaća se jedna taksa za molbu, ali se u tom slučaju plaća posebna taksa za svaki protest, odnosno zamjenu protesta.

Tarifni broj 32.
(Taksa za ostale upise)

Za podnesak koji stranka usmeno daje na zapisnik pred sudom plaća se taksa predviđena u ovoj Tarifi za odnosni podnesak.

Tarifni broj 33.
(Taksa za postupke pred arbitražom)

- (1) Za prijedlog stranke da sud postavi arbitra ili predsjednika arbitraže plaća se taksa u iznosu od 10 KM.
- (2) Za prijedlog o izuzeću arbitra plaća se taksa u iznosu od 10 KM.
- (3) Za sastavljanje potvrde o pravosnažnosti i izvršnosti presude arbitraže plaća se taksa u iznosu od 10 KM.

Tarifni broj 34.
(Taksa za zahtjev za izuzeće)

Za zahtjev za izuzeće plaća se taksa u iznosu od 10 KM.

Vlada Kantona Sarajevo

Na osnovu člana 61. stav (1) Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14 i 13/14), člana 10. stav (3) Zakona o izvršavanju budžeta Kantona Sarajevo za 2014. godinu ("Službene novine Kantona Sarajevo", broj 13/14) i čl. 22. i 24. stav (2) Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćen tekst i 38/13), Vlada Kantona Sarajevo, na 75. sjednici održanoj 13.08.2014. godine, donijela je sljedeću

ODLUKU

O ODOBRAVANJU IZDVAJANJA SREDSTVA IZ
TEKUĆE REZERVE BUDŽETA KANTONA SARAJEVO
ZA 2014. GODINU

Iz Tekuće rezerve Budžeta Kantona Sarajevo za 2014. godinu ("Službene novine Kantona Sarajevo", broj 13/14), ekonomski kod 600000 odobrava se izdvajanje sredstava Kabinetu premijera, razdjel 11010001, u iznosu od 20.000 KM, na ime stipendiranja djece poginulih rudara u rudniku Soma, Republika Turaka, na ekonomski kod:

- 614300 - Transferi neprofitnim organizacijama.

II

Za realizaciju ove odluke zadužuju se Ministarstvo finansija i Kabinet premijera.

III

Ova odluka stupa na snagu danom donošenja i bit će objavljena u "Službenim novinama Kantona Sarajevo".

Broj 02-05-22658-45.2/14
13. augusta 2014. godine

Vršilac funkcije Premijera
Muhamed Kozadra, s. r.

Ministarstvo za obrazovanje, nauku i mlade

Na osnovu čl. 10., 20. i 23. stav (6) Zakona o visokom obrazovanju ("Službene novine Kantona Sarajevo", broj 42/13 - Prečišćen tekst), ministar za obrazovanje, nauku i mlade Kantona Sarajevo donosi

PRAVILNIK
O POSTUPKU OSNIVANJA I UTVRĐIVANJA USLOVA
ZA UPIS U REGISTAR AKREDITOVANIH
VISOKOŠKOLSKIH USTANOVA NA PODRUČJU
KANTONA SARAJEVO I REGISTAR
AKREDITOVANIH STUDIJSKIH PROGRAMA
VISOKOŠKOLSKIH USTANOVA NA PODRUČJU
KANTONA SARAJEVO

Član 1.

(Predmet Pravilnika)

- (1) Ovim pravilnikom preciznije se uređuje postupak osnivanja, provjere ispunjenosti uslova za početak rada i daljnji rad visokoškolske ustanove ili nekog drugog oblika obrazovanja predviđenog Zakonom o visokom obrazovanju, upis, sadržaj i način vođenja Registra akreditovanih visokoškolskih ustanova na području Kantona Sarajevo (u daljnjem tekstu: Registar visokoškolskih ustanova) te upis, sadržaj i način vođenja Registra akreditovanih studijskih programa visokoškolskih ustanova na području Kantona Sarajevo (u daljnjem tekstu: Registar studijskih programa).
- (2) Pod nekim drugim oblikom obrazovanja predviđenog Zakonom o visokom obrazovanju podrazumijeva se osnivanje novog fakulteta, akademije, instituta, odsjeka i instituta kao podorganizacione jedinice na visokoškolskoj ustanovi koja je upisana u Registar visokoškolskih ustanova, kao i promjena njihovih naziva.

Član 2.

(Nadležnost za provođenje postupka i upis u registre)

- (1) Postupak provjere ispunjenosti uslova za početak rada i daljnji rad visokoškolske ustanove ili nekog drugog oblika obrazovanja predviđenog Zakonom o visokom obrazovanju i upis u Registar visokoškolskih ustanova i Registar studijskih programa vrši Ministarstvo za obrazovanje, nauku i mlade Kantona Sarajevo (u daljnjem tekstu: Ministarstvo).
- (2) Upis visokoškolske ustanove ili nekog drugog oblika obrazovanja predviđenog Zakonom o visokom obrazovanju u Registar visokoškolskih ustanova vrši se na osnovu rješenja Ministarstva kojim se utvrđuje ispunjenost uslova za početak rada i daljnji rad, nakon provedenog postupka propisanog Zakonom o visokom obrazovanju.
- (3) Upis studijskog programa u Registar studijskih programa vrši se na osnovu rješenja Ministarstva kojim se daje dozvola za izvođenje odnosno realizaciju studijskog programa (prva akreditacija) odnosno rješenja Ministarstva o akreditaciji studijskog programa.

Član 3.

(Pokretanje postupka za upis u Registar visokoškolskih ustanova)

- (1) Postupak provjere ispunjenosti uslova za početak rada i daljnji rad visokoškolske ustanove ili nekog drugog oblika obrazovanja predviđenog Zakonom o visokom obrazovanju pokreće se na zahtjev visokoškolske ustanove ili njenog osnivača.
- (2) Postupak ponovne provjere ispunjenosti uslova za nastavak rada postojeće visokoškolske ustanove ili nekog drugog oblika obrazovanja predviđenog Zakonom o visokom obrazovanju koji su upisani u Registar visokoškolskih ustanova Ministarstvo pokreće po službenoj dužnosti.

Član 4.

(Upis u Registar visokoškolskih ustanova)

- (1) Postupak provjere ispunjenosti uslova za početak rada i daljnji rad visokoškolske ustanove ili nekog drugog oblika obrazovanja predviđenog Zakonom o visokom obrazovanju provodi se u slučaju osnivanja visokoškolske ustanove, osnivanja nove organizacione jedinice u okviru postojeće

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 01.06.2016. godine, donijela je

ZAKON**O IZMJENAMA I DOPUNAMA ZAKONA O
SUDSKIM TAKSAMAMA****Član 1.**

(Dopuna člana 9.)

U Zakonu o sudskim taksama ("Službene novine Kantona Sarajevo", broj 36/14 - Prečišćeni tekst) u članu 9. stav (1) iza tačke n) dodaje se nova tačka o) koja glasi:

"o) notari kada u ostavinskom postupku postupaju kao povjerioci suda."

Član 2.

(Izmjena u Tarifnom broju 13.)

U Tarifi sudskih taksi DIO TREĆI. ZEMLJIŠNO - KNJIŽNI POSTUPAK, u Tarifnom broju 13. (Taksa za podneske) riječi "10 KM" zamjenjuju se riječima "5 KM".

Član 3.

(Izmjena u Tarifnom broju 14.)

U Tarifnom broju 14. (Taksa za upise podataka) stav (2) u tačk. a), b) i d) riječi "50 KM" zamjenjuju se riječima "25 KM".

Član 4.

(Izmjena u Tarifnom broju 15.)

U Tarifnom broju 15. (Takse za prijepise i izvratke) stav (1) u tački a) riječi "10 KM" zamjenjuju se riječima "5 KM".

Član 5.

(Izmjena u Tarifnom broju 20.)

U DIJELU ŠESTOM. UPIS U SUDSKI REGISTAR, Tarifni broj 20. (Taksa za podneske) u stavu (1) riječi "10 KM" zamjenjuju se riječima "5 KM".

Član 6.

(Izmjene u Tarifnom broju 21.)

- (1) U Tarifnom broju 21. (Taksa za upis u sudski registar) u st. (1), (3) i (5) riječi "200 KM" zamjenju se riječima "35 KM".
- (2) U st. (2), (4) i (11) riječi "100 KM" zamjenjuju se riječima "35 KM".
- (3) U stavu (6) riječi "150 KM" zamjenjuju se riječima "35 KM".
- (4) U st. (7) i (8) riječi "50 KM" zamjenju se riječima "10 KM".

Član 7.

(Izmjena u Tarifnom broju 22.)

U Tarifnom broju 22. (Taksa za objavljivanje upisnih podataka) u stavu (1) riječi "10 KM" zamjenjuju se riječima "5 KM".

Član 8.

(Stupanje na snagu)

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-20224/16
01. juna 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 01.06.2016. godine, donijela je

ZAKON**O IZMJENAMA I DOPUNAMA ZAKONA O
ADMINISTRATIVNIM TAKSAMAMA****Član 1.**

(Dopuna člana 8. Zakona)

U Zakonu o administrativnim taksama ("Službene novine Kantona Sarajevo", broj 30/01 - Prečišćeni tekst, 22/02, 10/05 i 26/08) u članu 8. stav 1. iza tačke 11. dodaju se nove tačke 12. i 13. koje glase:

"12. Notari kada u ostavinskom postupku postupaju kao povjerioci suda i

13. Privredna društva za zapošljavanje lica sa invaliditetom i zaštitna radionica."

Član 2.

(Dopuna u članu 9. stav (1) tačka 7. Zakona)

U članu 9. stav 1. u tački 7. na kraju teksta tačka-zarez zamjenjuje se zarezom i dodaje tekst koji glasi: "ostvarivanje prava korisnika na novčani podsticaj u biljnoj i animalnoj proizvodnji i modelu kapitalnih ulaganja."

Član 3.

(Izmjena u Tarifnom broju 1.)

U članu 20. u Tarifnom broju 1. stav 2. u tački 5. broj "50" zamjenjuje se brojem "30".

Član 4.

(Izmjena u Tarifnom broju 8.)

U članu 20. u Tarifnom broju 8. tačka 2., mijenja se i glasi:

"2. Ako se ovjerava rukopis i prepis dokumenta koji se sastoji od više povezanih listova, prvi list se smatra tabakom i plaća se taksa 2 KM, a svaki ostali list tog dokumenta je polutabak i za svaki polutabak se plaća taksa 1 KM.

Ako se ovjerava rukopis i prepis dokumenta koji se sastoji od jednog lista, onda se jedan list smatra tabakom i za ovjeru istog plaća se taksa 2 KM.

Za ovjeru poslovnih knjiga plaća se od svakog lista 0,25 KM."

Član 5.

(Dodavanje Tarifnog broja 19a.)

U članu 20. iza Tarifnog broja 19. dodaje se novi Tarifni broj 19a. koji glasi:

"Tarifni broj 19a.

Za rješenje po zahtjevu za izdavanje:

- a) prethodne vodne saglasnosti 35
- b) vodne saglasnosti 30
- c) vodne dozvole 35".

Član 6.

(Dodavanje Tarifnog broja 34a.)

U članu 20. iza Tarifnog broja 34. dodaje se novi Tarifni broj 34a. koji glasi:

"Tarifni broj 34a.

- a) za rješenja o utvrđivanju ispunjenosti propisanih uslova u pogledu prostora, opreme i kadra za osnivanje i rad zdravstvenih ustanova 55
- b) za rješenja o odobravanju zdravstvenim radnicima obavljanje privatne prakse u privatnoj ordinaciji, laboratoriji, apoteci, zdravstvene njege bolesnika u kući 35
- c) za rješenja o ispunjenosti propisanih uslova u pogledu prostora, opreme i kadra za rad specijalizirane trgovine za promet medicinskim sredstvima na malo 35
- d) za rješenja o odobravanju obavljanja metoda i postupaka alternativne medicine u zdravstvenoj ustanovi, odnosno privatnoj praksi 35".

Član 7.

(Izmjena u Tarifnom broju 37.)

U članu 20. u Tarifnom broju 37. stav 2. briše se.

Član 8.

(Ovlaštenje za utvrđivanje novog prečišćenog teksta Zakona)

Ovlašćuje se Zakonodavno-pravna komisija Skupštine Kantona Sarajevo da utvrdi novi prečišćeni tekst Zakona o administrativnim taksama.

Član 9.

(Stupanje na snagu Zakona)

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-20225/16

01. juna 2016. godine
SarajevoPredsjedateljica
Skupštine Kantona Sarajevo
Prof. Ana Babić, s. r.

Na osnovu člana 21. Zakona o pravobranilaštvu - Novi prečišćeni tekst ("Službene novine Kantona Sarajevo", broj 33/08 i 7/12), Skupština Kantona Sarajevo, na sjednici održanoj dana 30.05.2016. godine, donijela je

ODLUKU

O IMENOVANJU ZAMJENIKA PRAVOBRANIIOCA
PRAVOBRANIŠTVA KANTONA SARAJEVO

I

ADEM FESTIĆ, diplomirani pravnik imenuje se za zamjenika pravobranilaoca Pravobranilaštva Kantona Sarajevo.

II

Imenovani se imenuje za zamjenika pravobranilaoca Pravobranilaštva Kantona Sarajevo bez ograničenja mandata.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-19972/16

30. maja 2016. godine
SarajevoPredsjedateljica
Skupštine Kantona Sarajevo
Prof. Ana Babić, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 7. Odluke o osnivanju skupština javnih preduzeća čiji je osnivač Kanton Sarajevo ("Službene novine Kantona Sarajevo", br. 25/09, 22/11, 1/13 i 21/14), Skupština Kantona Sarajevo, na sjednici održanoj dana 30.05.2016. godine, donijela je

ODLUKU

O POTVRĐIVANJU RAZRJEŠENJA VRŠILACA
DUŽNOSTI PREDSEDNIKA I ČLANOVA SKUPŠTINE
KANTONALNOG JAVNOG KOMUNALNOG
PREDUZEĆA "PARK" D.O.O. SARAJEVO

I

Ovom odlukom potvrđuje se razrješenje vršilaca dužnosti predsjednika i članova Skupštine Kantonalnog javnog komunalnog preduzeća "Park" d.o.o. Sarajevo (u daljem tekstu: Skupština Preduzeća), i to:

1. Behra Alić, vršilac dužnosti predsjednik Skupštine
2. Avduh Kovačević, vršilac dužnosti člana Skupštine
3. Avdo Amautović, vršilac dužnosti člana Skupštine

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-19973/16

30. maja 2016. godine
SarajevoPredsjedateljica
Skupštine Kantona Sarajevo
Prof. Ana Babić, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 7. Odluke o osnivanju skupština javnih preduzeća čiji je osnivač Kanton Sarajevo ("Službene novine Kantona Sarajevo", br. 25/09, 22/11, 1/13 i 21/14), Skupština Kantona Sarajevo, na sjednici održanoj dana 30.05.2016. godine, donijela je

ODLUKU

O POTVRĐIVANJU RAZRJEŠENJA VRŠILACA
DUŽNOSTI PREDSEDNIKA I ČLANOVA SKUPŠTINE
KANTONALNOG JAVNOG KOMUNALNOG
PREDUZEĆA "POKOP" D.O.O. SARAJEVO

I

Ovom odlukom potvrđuje se razrješenje vršilaca dužnosti predsjednika i članova Skupštine Kantonalnog javnog komunalnog preduzeća "Pokop" d.o.o. Sarajevo (u daljem tekstu: Skupština Preduzeća), i to:

1. Sanjin Manjo, vršilac dužnosti predsjednik Skupštine
2. Ljiljana Vranac, vršilac dužnosti član Skupštine
3. Sanela Alić, vršilac dužnosti član Skupštine

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-19974/16

30. maja 2016. godine
SarajevoPredsjedateljica
Skupštine Kantona Sarajevo
Prof. Ana Babić, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 7. Odluke o osnivanju skupština javnih preduzeća čiji je osnivač Kanton Sarajevo ("Službene novine Kantona Sarajevo", br. 25/09, 22/11, 1/13 i 21/14), Skupština Kantona Sarajevo, na sjednici održanoj dana 30.05.2016. godine, donijela je

ODLUKU

O POTVRĐIVANJU RAZRJEŠENJA VRŠILACA
DUŽNOSTI PREDSEDNIKA I ČLANOVA SKUPŠTINE
KANTONALNOG JAVNOG KOMUNALNOG
PREDUZEĆA "RAD" D.O.O. SARAJEVO

I

Ovom odlukom potvrđuje se razrješenje vršilaca dužnosti predsjednika i članova Skupštine Kantonalnog javnog komunalnog preduzeća "Rad" d.o.o. Sarajevo (u daljem tekstu: Skupština Preduzeća), i to:

1. Nusret Bajrović, vršilac dužnosti predsjednik Skupštine
2. Elvesta Mulahasanović, vršilac dužnosti člana Skupštine
3. Mirsada Hodžić, vršilac dužnosti člana Skupštine

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-19975/16

30. maja 2016. godine
SarajevoPredsjedateljica
Skupštine Kantona Sarajevo
Prof. Ana Babić, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 7. Odluke o osnivanju skupština javnih preduzeća čiji je osnivač Kanton Sarajevo ("Službene novine Kantona Sarajevo", br. 25/09, 22/11, 1/13 i 21/14), Skupština Kantona Sarajevo, na sjednici održanoj dana 30.05.2016. godine, donijela je

upisanim u zk. uložak broj 2763 K.O. SP_CRNOTINA sa pravom vlasništva KJKP "Sarajevogas" d.o.o. Sarajevo sa dijelom 1/1.

II

Daje se saglasnost Kantonalnom javnom komunalnom preduzeću "Toplane - Sarajevo" d.o.o. Sarajevo da radi obezbjeđenja kredita iz tačke I ove Odluke koje će KJKP "Sarajevogas" d.o.o. Sarajevo zaključiti sa UNION bankom d.d. Sarajevo može u svojstvu sudužnika potpisati kredit kod UNION banke d.d Sarajevo.

III

Ovlašćuje se Muhamed Kozadra vršilac funkcije premijera Kantona Sarajevo da u ime Vlade Kantona Sarajevo potpiše Sporazum o međusobnim obavezama za obezbjeđenje sredstava za vraćanje kredita namijenjenog za sprečavanje obustave isporuke prirodnog gasa Kantonu Sarajevo.

IV

Zadužuje se Vlada Kantona Sarajevo da odobrena sredstva iz tačke I ove Odluke planira u Budžetu Kantona Sarajevo za 2015., 2016., 2017. i 2018. godinu.

V

Zadužuje se Preduzeće da Skupštini Kantona Sarajevo nakon kreditnog zaduženja kod komercijalne banke od odobrenog iznosa iz tačke I ove odluke, namijenjenog za sprečavanje obustave isporuke prirodnog gasa za Kanton Sarajevo, dostavi detaljan izvještaj o utrošku kreditnih sredstava sa kompletnom pratećom dokumentacijom.

VI

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-23828/14
03. septembra 2014. godine
Sarajevo

Predsjedavajuća
Skupštine Kantona Sarajevo
Prof. dr. Mirjana Malić, s. r.

Zakonodavno-pravna komisija Skupštine Kantona Sarajevo

Na osnovu člana 8. Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13) i člana 181. stav 1. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno-pravna komisija Skupštine Kantona Sarajevo, na sjednici 22.08.2014. godine, utvrdila je Novi prečišćeni tekst Zakona o Vladi Kantona Sarajevo.

Prečišćeni tekst Zakona o Vladi Kantona Sarajevo obuhvata: Zakon o Vladi Kantona Sarajevo ("Službene novine Kantona Sarajevo" broj 24/03-Prečišćeni tekst) i Zakon o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u kojim je naznačen dan stupanja na snagu tih zakona.

Broj 01-05-22971-1/14
22. augusta 2014. godine
Sarajevo

Po ovlaštenju
Esad Hrvatić, s. r.

ZAKON O VLADI KANTONA SARAJEVO (Novi prečišćeni tekst)

I - OPĆE ODREDBE

Član 1.

Ovim zakonom uređuje se sastav i organizacija, kao i druga pitanja od značaja za rad Vlade Kantona Sarajevo (u daljem tekstu: Vlada Kantona).

Član 2.

Vlada Kantona je izvršna vlast Kantona Sarajevo (u daljem tekstu: Kanton), u skladu sa Ustavom.

Član 3.

Vlada Kantona vrši svoja prava i dužnosti na osnovu i u okviru Ustava i ovog zakona.

Član 4.

Sjedište Vlade Kantona je u Sarajevu.

Član 5.

Vlada Kantona donosi poslovnik o radu kojim se uređuje: organizacija i način rada, postupak i način zakazivanja sjednice; dostavljanje i forma materijala za razmatranje, utvrđivanje prijedloga zaključaka i drugih akata; postupak razmatranja materijala; način ravnopravne upotrebe jezika i pisma konstitutivnih naroda u pripremi i izradi pisanih materijala; način izvršavanja zaključaka; prenošenje ovlaštenja i druga poslovnička pitanja.

Član 6.

Vlada Kantona raspolaže imovinom u vlasništvu Kantona u okviru ovlaštenja koja joj Skupština Kantona prenese posebnim propisom.

II - SASTAV I ORGANIZACIJA VLADE KANTONA

Član 7.

Vladu Kantona čine premijer Kantona (u daljem tekstu: premijer) i 12 ministara.

Član 8.

U slučaju privremene spriječenosti premijera, funkciju premijera vrši član Vlade kojeg odredi premijer.

U slučaju privremene spriječenosti premijera duže od 30 dana, funkciju premijera vrši član Vlade kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

U slučaju da mjesto premijera ostane upražnjeno, kandidat za premijera se imenuje u roku od 30 dana od dana kada je mjesto premijera ostalo upražnjeno, na način utvrđen ustavom, do kada funkciju premijera obavlja član Vlade Kantona kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

S danom imenovanja kandidata za premijera smatra se da su dosadašnji članovi Vlade u ostavci, koja stupa na snagu danom potvrđivanja imenovanja Vlade u novom sazivu.

Do potvrđivanja imenovanja Vlade u novom sazivu dosadašnji članovi Vlade nastavljaju s obavljanjem funkcije članova Vlade i ministara ministarstava.

Potvrđivanje Vlade u novom sazivu obaviti će se u roku od 30 dana od dana imenovanja kandidata za premijera.

Član 9.

U slučaju privremene spriječenosti člana Vlade, kada se razmatraju materijali iz nadležnosti ministarstva kojim rukovodi odsutni član Vlade, sjednicama Vlade prisustvuje sekretar tog ministarstva, bez prava glasa.

U slučaju privremene spriječenosti člana Vlade duže od 30 dana, funkciju ministra ministarstva kojim rukovodi odsutni ministar vrši član Vlade kojeg odredi premijer.

U slučaju da mjesto člana Vlade ostane upražnjeno, član Vlade se imenuje u roku od 30 dana od dana kada je mjesto člana Vlade ostalo upražnjeno, na način utvrđen ustavom, do kada funkciju ministra ministarstva kojim je rukovodio dotadašnji ministar obavlja član Vlade kojeg odredi premijer.

Ministar iz st. 2. i 3. ovog člana kojeg odredi premijer, ne obavlja i funkciju člana Vlade umjesto odsutnog ministra.

Član 10.

U slučaju kad Skupština izglasa nepovjerenje Vladi, premijer i članovi Vlade podnose pismenu ostavku, najkasnije u roku od

VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organa uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organe uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14

22. augusta 2014. godine
Sarajevo

Po ovlaštenju
Esad Hrvačić, s. r.

ZAKON

O SUDSKIM TAKSAMA

(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

Razdjel	KOD	NAZIV
	19010001	Ministarstvo finansija Kantona Sarajevo

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
Naziv propisa/akta	Uredba	NE	Drugi akti	NE	Drugi akti planiranja	NE

Prijedlog zakona o izmjenama i dopunama Zakona o sudskim taksama

C 3. Izjava o nepostojanju dodatnih fiskalnih efekata predloženog propisa

Prijedlog zakona o izmjenama i dopunama Zakona o sudskim taksama uticat će na povećanje prihodovne strane Budžeta Kantona Sarajevo za 2025. godinu, što je i planirano na prihodovnoj strani Budžeta Kantona Sarajevo za 2025. godinu kao povećanje prihoda u odnosu na ostvarenje iz prethodnih godina na ekonomskom kodu 722221 Kantonalne sudske takse.

D 4. Pečat i potpis odgovornog lica obradivača, odnosno predlagača propisa

Dr. Afan Kalamujić

Mjesto i datum

Sarajevo, 06.05.2025. godine

